



ما وراء التوبة

الكاتبة: شهد عبدالقادر "الكاتبة الصغيرة"

ما وراء التوبة

الناشر: دار ياقوت للنشر والتوزيع

عنوان الكتاب: ما وراء التوبة

اسم المؤلف: شهد عبدالقادر

التصنيف الأدبي: رواية

التدقيق اللغوي: فاطمة محمد مصري "ياقوت"

التنسيق الداخلي: فاطمة محمد مصري "ياقوت"

تصميم الغلاف: فاطمة محمد مصري "ياقوت"

نوع الكتاب: إلكتروني

إصدار: سنة 2025

مؤسسة الدار: فاطمة محمد مصري

عنوان الدار والمقر: سوهاج

تليفون مؤسسة الدار: 01555191983

جميع الحقوق محفوظة لدى الكاتب ودار النشر، ممنوع تمامًا
نسخ أو نشر أو تصوير شيء بدون موافقة الكاتب ودار
النشر، وترجع الملكية الفكرية للكاتب فقط وهو المسؤول
الأول عن أي خلل في الملكية الفكرية.

إهداء

إلى كل من كان بجانبني، إلى كل من دعمني وساندني في رحلتي، شكرًا من القلب.

إلى دار ياقوت، موطن الحروف وملاذ الأحلام، شكرًا لاحتضانكم لكلماتي ومنحها الحياة.

إلى صديقتي ملك، التي كانت دائمًا مصدر التشجيع والدعم، شكرًا لك من الأعماق، فوجودك في هذه الرحلة كان نورًا ينير طريقي.

أتمنى أن يكون هذا الكتاب عند حسن ظنكم، وأن تجدوا فيه ما ينير عقولكم ويلمس قلوبكم. قد تكون الرواية قصيرة، لكنها تحمل بين سطورها دروسًا وتجارب قد تفيدكم في رحلتكم الخاصة.

لكم جميعًا، شكرًا لأنكم كنتم جزءًا من هذه القصة.

في حي بعيد في مصر القديمة، كانت تعيش فتاة تُدعى "هُدى عبدالله"، تبلغ من العمر ٢٠ عامًا. كانت تدرس في كلية التجارة بجامعة القاهرة، وكان لديها أخت واحدة وأخوان، وهي تعيش معهم ومع والديها "عبدالله وعفاف".

كانت هُدى مستلقية على السرير تستمع إلى الأغاني بكل شغف. دخلت والدتها.

عفاف: هُدى، يا هُدى.

هُدى: تو أوقف، نعم يا ماما، خير؟

عفاف: تعالي يا بنتي ساعديني، العريس جاي لأختك النهارده.

هُدى: تو يا ماما، وأنا مالي؟ طب خلي عبير تعمل، وأنا مالي؟

عفاف: بطلي لماضة وتعال يلا، أختك بتجهز.

هُدى: طيب يا ماما حاضر، أصل مفيش غيري.

عفاف: أيوة، يا أختي، مفيش غيرك.

هُدى: ماما، هو أحمد ومصطفى فين؟

عفاف: إخوانك الاتنين... مصطفى في الجامعة، وأحمد في المسجد.

هُدى: أيوة، خلي سي أحمد ده لازق في الجامع كده، أول ما يتقمص يروح هناك. أوفف عليه!

عفاف: بت، اخرسي! لو سمعك هيزعل منك أوي، وبعدين أهو بيقرب من ربنا لما بيزعل، مش بيسمع أغاني.
هُدى في نفسها: اااه، هنفتح تاني في نفس الأسطوانة بتاعت كل يوم. حاضر يا ماما، خليه هناك براحتُه.
عفاف: طب يلا يا أختي، ساعديني.
هُدى: طيب، يا ست عفاف، جايين.

خرجت هُدى من غرفتها ونظرت إلى الطاولة، فوجدت ظرفاً عليها.

هُدى: ماماااااااا!

عفاف: إيه يا بنتي؟ في إيه؟ خضتيني مالك؟

هُدى: أصل لقيت الظرف ده هنا، ومفيش حد في الصالة.
عفاف: أبوكي في الأوضة، يا أختي، بيصلي، عقبال عندك. وده الظرف اللي فيه المعاش بتاعه.

هُدى: ياختااااااااا! هو كل ما تلاقي حد بيصلي ولا بيعمل حاجة تقويلي "عقبال عندك"، أنا زهقت.

عفاف: بت، بت اسكتي أحسن. انتي بالعة راديو، بتردي الكلمة خمسين مرة. خلاص، يا أختي، تعالي بس، وما تنسيش آخرتك.

هُدى وقد استوقفتها الكلمة "وما تنسيش آخرتك"، نفضت الحديث من رأسها وتبعت أمها. انتهوا من إعداد الطعام وإنهاء كل شيء، فقالت عفاف لهدى:

عفاف: هُدى، روجي شوفي أختك كده خلصت ولا لأ.
هُدى بتأفأف: حاضر.

هُدى: إيه يا بيبو، خلص...
لم تكمل كلامها حتى رأت أختها ترتدي إِدْنَاءً وخماراً.

هُدى: إيه ده يا عبير؟ إيه اللي انتي لابساه ده؟
عبير بحزن: ماله؟ أأااه، تقصدي عشان النقاب؟ أيوة شيلته
عشان بس الرؤية الشرعية وكده، وبعدين هلبسه تاني، بس
مكسوفة اوى. أول مرة أشيل النقاب وأخرج قدام راجل
غريب.

هُدى: انتي بتقولي إيه؟ انتي أنا بتكلم عن اللي انتي لابسه!
وبعدين استنتي، انتي كنتي عايزة تخرجي بشوال الفحم اللي
بتلبسيه ده للعريس؟ طب البسي زي عشان تعجبيه، وكمان
حطي ميك...

لم تكمل حديثها حتى وجدت عبير تنظر خلف هُدى. نظرت هُدى خلفها، فوجدت والدها.

هُدى بخوف من والدها: هاي يا حج، إزيك؟
 عبدالله بعصبية: إيه اللي انتي بتقولي ده يا هُدى؟ انتي بتكلمي أختك ليه كده؟ شوال فحم إيه؟ طب ياريتك تلبسي زيتها بدل ما تترريقي عليها وتز عليها منك.
 هُدى باستنكار: يا بابا، هو انت مش شايف لبسها؟ تعجب العريس إزاي؟
 عبدالله بعصبية أكبر: هُدى، اخرسي! مش مهم العريس يعجبوا أو لأ، المهم ربنا.

في تلك اللحظة كانت عبير تبكي من كلام أختها.

دخل أخوها أحمد ومصطفى.

مصطفى بضحك ليخفف الأجواء: صلوا على النبي بس كده يا حج، وتعالى نشرب كوب نعناع وتهدي أعصابك.
 أحمد لعبير: خلاص يا بيبو بقى، ما تعيطيش. دموعك غالية أوي علينا، سيبك من الهبة دي، هي حد بياخد على كلامها.
 هُدى: هي مين دي اللي هبة؟ يا اللي عامل فيها شيخ انت التاني...

استوقفتها أمها بعصبية.

عفاف: هُدى، اقفي عند حدك. انتي كده اتعديتي حدودك مع إخوانك أوي. مش كفاية أختك اللي زعلتها؟ دي تقابل الراجل إزاي بعياطها ده؟ اعتذري منهم حالاً. هُدى: يا مام...

عفاف بتحذير: هُدى!

هُدى: آسفة يا أحمد، آسفة يا عبير.

أحمد: خلاص يا حبيبتى، حصل خير، ربنا يهديكي.

عبير: خلاص يا هُدى، تمام. عفا الله عما سلف، ربنا يهديكي ويهدينا.

هُدى: هو إيه حوار يهديكي ده؟ هو أنا مجنونة؟

ثم تركتهم بعصبية ودخلت إلى غرفتها تبكي بحرقة من والديها وإخوتها.

دخل مصطفى غرفتها.

مصطفى: مالك يا دودو؟ بتعيطي ليه كده؟

هُدى بعياط: بسببهم... شفت اللي عملوه معايا بره؟

مصطفى: يا أختي فكّك، هما كده على طول. قومي، الواد
 محمد راجع من الجيش النهارده (محمد صاحب مصطفى).
 هُدى بفرحة: قول والله! الواحد بيحب قعدته والله.
 مصطفى: أهو جاي يا أختي بكرة. قومي بقي، خرينا نشوف
 عريس أختك ده.

العريس: إزايك يا عمي؟

عبد الله: الله يسلمك يا بني، كلمني بقي عنك.

العريس بارتباك: أنا... أنا... كويس يا عمي، تمام... ماما،
 اتكلمي.

عبد الله في زهول: خير يا بني؟

العريس: خير يا عمي.

أم العريس بإحراج من ابنها: إيه يا حاج، متخرجش الواد
 بقي، أمال ههههه.

عفاف: إحراج إيه يا حبيبتني؟ ده جاي عايز بنتنا، ما يعرفنا
 عليه.

أم العريس: مالك يا ست أم عبير، في إيه؟ براحه على الواد،
 ياختي خضيتيه منك.

كادت عفاف تتحدث حتى قاطعتها هدي: هو إيه ده؟ اللي

اتخض لامو أخذه، إنتي جاييه ابن أختك يا طنط؟

ردت أم العريس بعصبية: في إيه حضرتك؟ براحه علينا
 أنتي وامك.

كادوا يتحدثون، هدي وعفاف، قاطعهم أحمد: بس يا جماعة،
في إيه؟ صلوا على النبي كده واهدوا.

عبد الله: قوم يا أحمد، هات عبير من جوه.

أحمد: حاضر يا بابا.

خرجت عبير وعلي وجهها حمرة الخجل وقالت: السلام
عليكم ورحمة الله.

ردوا جميعاً: وعليكم السلام ورحمة الله وبركاته. وتبعت أم
العريس: تعالي يا حبيبتي، جمبي.

جلست عبير بجانبها، قالت أم العريس: ها يا حبيبتي، إيه
رأيك؟

خجلت عبير بشدة وقالت: لازم استخير ربنا الأول يا طنط.
قالت أم العريس: طيب يا حبيبتي، شوفي بتعملي دا إزاي

وردي عليا، أنا قعدة هاهنا.

هدي: لأ بقي.

مصطفى بضحكة: اهدى يا هدي، وقعدي عشان أبوكي بدأ
يتعصب على الناس.

عبير بصدمة: إنتي بتقولي إيه يا طنط؟ دي صلاة.

أم العريس وهي تريد إغاضة الجميع: آه، متأخذنيش يا بنتي،
أصل أنا اتجوزت وأنا عندي عشرين سنة كده، قد المحروسة
أختك. أما إنتي، يا قلب أمك، كسرتي التلاتين، فما عرفش...
معلش.

لم تتحمل عبير أكثر من هذا وركضت إلى غرفتها تبكي.

هدي بغضب مكتوم: معلى يا طنط، بس من زيك تحت
الأنقاض مدفون، وأنتي عايشة وكلنا ساكتين؟ يعني؟
العريس وهو ينهض في عصبية: لأ، مسمحكيش تتكلمي مع
ماما كده.

هدي ونظرت له نظرة جعلته يرتعب خوفًا: اخرس يلا.
جلس العريس في مكانه.

عبد الله: أنا معنديش بنات للجواز. اتفضلوا.

أم العريس: خليها يا خويا تقعد جنبك، إنت وهي. قوم يا واد
وأنا هاجوزك ست ستها.

مصطفى: قوم يا ننوس عين مامي، وابقى اشرب اللبن
واغسل رجلك ونام.

عبد الله: حد يدخل يشوف عبير؟

كادت هدي تتحدث، قاطعها والدها: حد غيرك يا هدي يا
حبيبتى.

هدي بتذمر: الله، وأنا مالي يا المبي؟

دخل أحمد إلى عبير فهو الذي يفهمها لأنه توأمها.

أحمد: عبير يا حبيبتى، اهدى شويه.

عبير ببكاء: إنت مشوفتهاش يا أحمد؟ كلمتني إزاي؟

أحمد بضحك: ما هو إنتي بعد ما دخلتني، معرفتيش أخواتك

الاثنين عملوا إيه في الناس دي؟ هدي كانت هتخلي الواد

يعملها على نفسه.

عبير وهي مستمرة في البكاء أيضًا.

أحمد: عبير، إنتي عارفة إنها حاجة في إيد ربنا. هي واحدة،
الله يسهلها يا حبييتي. متعرفش حاجة عن كده. أما إنتي،
عاقله وفاهمة، آه، هي حاجة تزعل طبعًا، بس دا مش بإيد
حد. دا نصيب، يبقى متعيطيش بقى.

عبير: يعني ده مجتمع نعيش فيه؟ بيتكلموا عن المطلقة
ويعملوها وصمة عار على المجتمع؟ ويتكلموا عن اللي لسه
متجوزتش، يقولوا يمكن معمولها عمل أو عشان لابسة
نقاب، يبقى مش هاتجوز؟ ليه كده بجد؟ ليه الكل بعيد عن
الدين يا أحمد؟

أحمد وهو يأخذها بين أحضانه: معلش يا حبييتي، بكرة كل
حاجة تتصلح.

هدى: يا سلاااام على الحُضن الرومانسي، انبئ، عيط
ههههه.

مصطفى: آه والله يا بت يا هدهد، منظر مؤثر. اهئ اهئ.

أحمد: لا إله إلا الله. تعالي يا حبيبي، إنت وهي، تعالوا.

أول من ركضت إلى أحضانه هدي وتبعها مصطفى. ضم

أحمد أخواته بحب شديد، فهو يحب أخواته أكثر من نفسه.

أحمد: هدي، عايز أفتتحك في موضوع كده بس من غير

خناق. ثم نظر لعبير الذي فهمته للتو: بصي يا دودو، أنا

بحبك طبعًا، وإنتي عارفة صح؟

هدى: صح.

أحمد: طيب يا حبييتي، هو ده لبس مسلمة؟

هدي باستنكار: مالوا، ما هو شيك أهو.

أحمد: شيك إزاي؟ وهو واصفك جدًا وجسمك باين؟ حتى حجابك شعرك خارج من الطرحة. يبقى ده حجاب إزاي؟

مصطفى: مالك يا بني؟ محبكها كده ليه؟ كده كده أصلاً البنات كلها بتلبس كده، ودي موضه فاشطة يعني.

عبير: يا مصطفى، يا حبيبي، افهم، إحنا مالناش دعوة بجد، إحنا لينا في أختنا، مينفعش تمشي كده.

هدي: توييييه، أنا زهقت بجد من الكلام في الموضوع ده.

أحمد، بقولك إيه؟ قفل أحسن.

ثم تركت الغرفة وتبعها مصطفى.

عبير: والله ما حد بوز اختك غير مصطفى.

أحمد وهو ينظر جهة الباب: كان نفسي أقولك لأ، بس دي حقيقة للأسف.

هدي: اتفرج بقى يا عم على أخواتك يخنقوا بجد، أوقف.

مصطفى: يا سطا، سيبك منهم وركزي معايا، الواد محمد نزل النهاردة.

هدي بفرحة وتعجب: إيه ده بجد؟ بس مش كان نازل بكرة؟

مصطفى: طلع نازل النهاردة، ابن اللذيذة وقالي عاملك مفاجأة.

هدي: ابن إيه؟ طب كان يتصل عليا حتى.

مصطفى: ياختي هو طول عمره كده، المهم، ممكن أخرج معاه بكرة، تيجي معانا؟

هدي: أكيد يا بني، من غير تفكير، اشطبا.
عبير: هدي، إنتِ إزاي كده؟ عايزة تخرجي مع راجل
غريب؟ إنتِ يا مصطفى اللي بتقولها؟ أنا بجد مستغرباكو
أنتو الاثنين، أنا لازم أقول لبابا.
نظروا جميعًا جهة الباب برعب.
هدي بخوف: استني بس يا عبير، والله إنتي فاهمة غلط،
طب ده أنا حتى بعتبر محمد زي أخويا، فما تخافيش.
عبير: مفيش نزول بكرة يا هدي، وإنتِ يا مصطفى، بدل ما
تقول لأختك كده غلط، بتشجعها.
مصطفى بيروود: ما خلاص يا عبير، قالتلك زي أخوها، ما
تسكتي خلاص، مش هاخدها معايا، اهدي بقي.
خرجت عبير وهي تستنكر ردودهم وترفض هذا بشدة.
هدي: مصطفى، هو إيه ده بقي؟ إنتِ مش هاتأخذني معاك؟
وبعدين أعمل إيه؟ دي قالتلي مفيش خروج.
مصطفى بضحكة: ياختي، إنتي ما صدقتي، بكرة أنا هنزل،
واستناكي على أول الشارع، وإنتي قولي لهم إنك رايحة
درس أو لصاحبتك.
هدي: ربنا يخليك، والله، إيه أفكارك دي؟

مصطفى: يا بنتي عيب عليك! هو أنا عبيط؟ المهم تلبسي
حلو كده بكرة، وسيبك من كلام الواد أحمد ده.

هدى: أوكي.

عبير: يا هدي، هدي تعالي يلا عشان نصلي العشاء.

أحمد: يلا يا مصطفى تعال معايا أنا وبابا المسجد.

هدى: طيب يا عبير، لما أصحى هصلي.

مصطفى: طب يا معلم، أنا ورايا مشوار، وهصلي بعدين.
باي.

أحمد وعبير: هو إيه ده؟

هدى وهي تتحدث لصديقتها مريم في الهاتف: أيوة يا مريم،
اختاري لي لبس بقي عشان هاقابلهم بكرة.

مريم: أنتي يا بنت، مش قلتي إنه جاي بكرة، يبقى هنتقابلوا
بعد بكرة أكيد.

هدى: ههههه يا ظريفة، أصل هو جه النهاردة وأنا عارفة،
بس استعبطت على مصطفى وقولت له إني معرفش.

مريم: أه يا بنت الأ... والعه معاكِ.

هدى: جرأيه إيه يا مريم؟ إنتي هتحتسدي؟ مش كفايا أحمد بعد ما كان بيصلي بصلكِ.

مريم بنبرة مستفزة: ياختي هو لو كان عايزك كان خدك إنتِ، وبعدين شباب الجامعة كلهم هايموتوا عليكِ يا قمر.

هدى بغرور: يا بنتي دي أقل حاجة عندي.

تضمن منين إن اسمك مينزلش في صفحة الوفيات بكرة؟

صدقني إنت لازم تتوب دلوقتي!

< د / حازم شومان

سلمي (وهي تنهض من على المقعد وتقف بجانبها): مالك يا
عبير؟ في إيه؟

عبير: مفيش حاجة، أنا كويسة أهو.

سلمي: عبير، مش عليا، قري واعترفي. يا عبير يا بنت
عفاف.

عبير (بنبرة تشبه البكاء): متضايقة قوي يا سلمي من
العريس بتاع إمبراح ده، بجد، أنا غبية. كنت لازم ألبس
النقاب، ولو عجبني أبقى أرفعه، بس لأ، أنا خرجت كده على
طول زي الجاموسة.

سلمي: طب اهدي بس، هو معجبكيش؟
عبير: لأ.

سلمي: ليه؟

عبير: طلع ابن أمه يا ختي.

سلمي (بتعجب): إزاي يعني؟

عبير (وقد قصت لها ما حدث):

سلمي: ههههههههههه، يانهار أبيض، هموت من الضحك

بجد، هههههههههههههههه. بس والله هدي أختك دي عسل،

والعريس وأمه يستاهلوا.

عبير (بضحك): حصل والله.

عبير (وما زالت مستمرة في الضحك): حاضر، حاضر،
براحة.

هدي: واد يا مصطفى، أنا لبست إيه؟ رأيك؟
كانت هدي ترتدي بنطالاً أسود مقطعاً من الركب، وتيشيرت
أبيض ذو أكمام قصيرة، وطرحّة بدون دبابيس، وتخرج
خصلات الشعر من حجابها إذا افترضنا أنه حجاب.
مصطفى: إيه يا بت الجمدان ده، خدي حطي برفيوم من
بتاعي، يكش يطر.

هدي (بضحك): بيطر يا عم تيفا، بيطر.
نزل مصطفى أولاً وقال إنه يهم بالخروج إلى درس مهم مع
صديقه، وانتظر هدي على بداية الشارع في عربية محمد
صديقه.

كادت هدي تهم بالخروج حتى قابلت والدتها التي قابلتها
بالخناق على ملابسها.

عفاف (بعصبية): هدي، إيه اللبس ده؟

هدي (بتأفف): مالو يا ماما؟

عفاف: مالو إيه؟ دا كاشف أكثر ما هو ساتر.

هدي: أممم، بدأنا يا مامي يا حبيبتي. دي الموضة، وبعدين
مفيش حاجة باينة غير حته من دراعي، فعادي يعني.

عفاف: عادي إزاي؟ لأ، حرام عليكى إنك تبينها، وبعدين
ركبتك اللي باينة دي، وشعرك ورقبتك.

عفاف: أعمل إيه يا عبدالله في عيالك الاثنين؟ أنا تعبت منهم.
عبدالله (بقليل من الحيلة): والله يا أم أحمد مش عارف، حتى
عبير وأحمد كلموهم ولا حياة لمن تنادي. ربنا يهديهم يا
رب.

عفاف: إنت عارف إن هدي ومصطفى كذبوا عليّ النهاردة
وقالوا إنهم رايعين درس، وعند صحابهم، وكل واحد فيهم
لوحده، وهما أصلاً خارجين مع الواد الصايح اللي اسمه
محمد ده.

عبدالله: هههههه، أيوة يا أم أحمد عارف، وقولت لعبير
تنصحها وتخوفها بيا، وقالت لها حاضر، وبرضه نفذت اللي
في دماغها.

عفاف: طب هنعمل إيه؟

عبدالله: هنعمل إيه؟ مفيش حاجة نافعة. ضرب وكسرتهم
التليفونات، وخذتها حبس وحبستهم، أعمل إيه تاني؟
أحمد (يدخل فجأة): المواجهة، ونشوف ليه بيعملوا كده،
وخصوصاً هدي دي بنت.

عفاف: تفكر يا بني؟

عبير: أحمد عنده حق يا ماما، بس الأهم من المواجهة،
الحنان، وبلاش ننفرها. قال رسول الله صلى الله عليه وسلم

(بشروا ولا تنفروا). وإنتوا في كل مرة زي ما بابا قال
تضربوا، طب وأخرة الضرب إيه؟ بيرجعوا تاني.

عبدالله: عندك حق يا بنتي

عبدالله: عندك حق يا بنتي، خلاص لما يجوا نبقي نتكلم.
أحمد: لأ، سيبوهم عليا أنا وعبير. ثم نظر إلى عبير نظرة
فهمتها للتو.

محمد: ها، إيه رأيكم؟ إيه رأيك يا هدى؟

هدى بحماس: بجد، تحفة قوي! نفسي أتفرج عليك وأنت
بتدرب من حكاويك دي.

مصطفى: آه والله.

فجأة، اصطدم محمد ببنتين ذات لباس واسع فضفاض.

قالت البنت التي اصطدم بها: آه، أنا آسفة.

محمد وهو ينظر لها بنظرة إعجاب: لا يا جميلة، ولا يهملك.
البنت: تمام، بعد إذنك، عديني.

محمد: ليه بس؟ ما إحنا واقفين سوا.

البنت بعصبية: عديني لو سمحت.

محمد: طب رقمك؟

قامت صديقتها بالرد: عايز الرقم؟

محمد: آه.

البنت: طب خد.

وقد صفعته صفقة رنت أرجاء المكان.

أحمد: تعملوا إيه لو لقيتوني في مرة ماشي، ولقيت هدي راكبة في عربية واحد؟

ساد الصمت ممزوجاً بخوف هدي ومصطفى.

أحمد: طيب، إحنا كلنا عارفين أنتوا كنتوا فين، حتى بابا وماما.

هدي بنظرة عتاب ورعب: كده يا عبير؟

عبير: أنا مقولتش حاجة والله! دا بابا وماما هما اللي عارفين وقالوا لأنهم سمعوكي وأنت بتتكلمي مع مصطفى في الأوضة.

هدي بخوف وقلق: يعني بابا عارف؟

أحمد: آه يا هدي، بس أنا عايز أسألك سؤال: هو أنت خايفة من بابا ومش خايفة من ربنا؟ يعني أنا معاك، افترض مثلاً بابا مكنش عارف، طب وربنا اللي شايفك وعارف اللي جواكي؟

هدي في صمت: ...

مصطفى: متحبكهاش يا أحمد بقى.

أحمد: يعني أنت يا مصطفى، بدل ما تقول لأختك عيب وحرام، تشجعها تحت عنوان "عادي أنا معاها." طب افترض وأنتوا ماشين، حصل ظرف أو مش حصل ظرف، افترض روجت تجيب ليكم حاجة تشربوها، افترض محمد ده خد أختك وعمل فيها حاجة. خلينا متفقين أن محمد مش كويس.

مصطفى ببرود: خلاص، متقلقش، هابقى أخليه هو يجيب وأنا هقعد مع هدي.

أحمد: طب وأنت ترضى الناس تتكلم عن أختك؟ الناس اللي بره بلدنا مش هيعرفوا إنك أخوها، ومستحيل الفكرة دي تيجي في دماغهم أساساً، لأن مفيش أخ بيعمل اللي أنت بتعمله. تتحمل كلمة عليها؟
مصطفى وقد بدأ بالاعتناع.

أحمد: بص دي أختنا يعني لازم نحافظ عليها أكثر من عيننا، وإنت يا هدي.

هدي: نعم؟

أحمد: إنت ترضى حد يتكلم عليك؟

هدي: لأ طبعاً.

أحمد: أمال بتثيري الجدل ليه للي حوالياك؟ أنا بس عايز أفهمك حاجة: لبسك ده مش لبس مسلمة، أولاً. ثانياً، افترض حد حب يلبس زيك ويبين جسمه ويقول "ما البنت دي عاملة كده"، خدك قدوة في اللبس كده، إنت شيلتي ذنب البنت اللي لبست زيك. ومتقوليش "أنا مالي!" لأن هي قلدتك. راجعوا كلامي إنتوا الاتنين، وشوفوا. وبالنسبة لبابا، فهو مش هيتكلم في الموضوع ده، بس عشان كده حرام. قال لي أكلكم أنا. يلا قوموا عشان عندكم جامعة الصبح.

قام الاثنان وهم يفكرون في كلام أحمد، وقد بدأ التأثير بهم.

نام كل منهم في فراشه وقد ذهبوا في نوم عميق بعد تفكير كثير.

في مكان بعيد في منزل جاسر حربي، كان يعيش علاء جاسر، وهو في سن 31. كان يدرس اللغة العربية في مدارس الحكومة، واليوم هو أول يوم له في المدرسة. علاء: صباح الخير يا بابا، إيه أخبارك؟ خدت العلاج؟ جاسر وهو يستدير بعيداً عنه:

علاء بابتسامة: مالك بس يا حج؟

جاسر: كام مرة أقولك تحلق؟

علاء بمرح: إيه، الجيران اشتكوا من الشعر ولا إيه؟ جاسر بعصبية: لأ، لأ يا علاء، الجيران ما اشتكوش، بس أمن الدولة اللي اشتكوا! كل شهرين ترجع لي مضروب ومعدوم العافية بسبب لحيتك دي.

علاء: يا بابا، (قل ما يصيبنا إلا ما كتب الله لنا)، وبعدين اللحية دي سنة، وإنت عارف كده كويس، وأنا مش بعمل حاجة غلط.

جاسر: ما هي دي المصيبة، إنك مش بتعمل حاجة غلط! دي المصيبة! هوففف! بص يا علاء...

علاء: بابا والله أنا عارف إنك خايف عليّ ومقدر ده كويس، بس يعني شاب بيصلي الفجر في المسجد، ياخدوه بدون سبب! كل ده عشان بيصلي الفجر، ولا واحد بيقرأ قرآن، ياخدوه. أنا ببقى قاعد في حضنك من غير ما أعمل حاجة،

والاقي الباب بيتكسر علينا وياخدوني. مش بيحترموا أمي
الست الكبيرة ولا خضتها! اللي مش بيوجعني الضرب، اللي
بيوجعني خوفكم عليّ، والشتايم اللي بتشتمها بيكم. وانتو
ملكوش ذنب.

أضاف جو من المرح ليزيل بكاء أبيه المكتوم.
علاء: واللي بيوجعني أكثر الست أم حنان وصوتها، سبحان
الله! مفيش مرة خدوني فيها إلا لما جت تصوت وتشغل
حنجرتها. تحس إنهم متفقين سوا: "تعالوا خدوه عشان
الحنجرة تشتغل شوية!"

جاسر: ههههههه! يا بني هاتقع لي المرارة.
علاء ضاحكاً: سلامة المرارة يا قلبي! أنا هنزل أنا بقى
عشان اتأخرت، وده أول يوم.
جاسر: ماشي يا بني، ربنا يوفقك، ويبعد عنك ولاد الحرام يا
رب، وأمن الدولة.

علاء ضاحكاً: وأم حنان!
عفاف: هدي بت، يا هدي! قومي، أخوكي نزل على كليته
من بدري، وإنتِ نايمة! قومي يا بت.

هدي بناعس شديد: يوووووه! سبيني يا ماما.

أمها: قومي يا بت، قووومي!

هدي: توو! خلاص، قايمة.

قامت هدي وارتدت ملابسها المعتادة وذهبت إلى جامعته،
وهناك قابلت صديقتها مريم ومحمد أيضاً.

جلست هدي بجانبهم وهم يتشاركون المزاح.
 هدي: خير، اللهم اجعله خير، قاعدين مع بعض ليه؟
 محمد: مستنيين الهانم المتأخرة.
 هدي: نمت متأخر قوي أمبارح.
 مريم: طب ياختي، يلا نطلع! أحسن دكتور بيومي المنياوي،
 لو دخل قابلنا هايسد باب القاعة بالكرش بتاعه! ههههههه.
 هدي: يلا ياختي، يلا.
 دخلوا جميعاً المحاضرة، وانتهت بعد ثلاث ساعات، منهم
 المهتم ومنهم من يريد الذهاب.
 هدي: "أوففف، محاضرة طويلة ودكتور بايخ!"
 محمد: "آه والله، وبعدين أنا عمل إيه مع الماجستير اللي مش
 بيخلص ده، مع الجيش كمان. والله الواحد تعب."
 مريم: "ربنا معاك يا بطل."
 هدي (بغيره): "خلاص يا مريم، عرفنا إنه بطل من الصبح.
 وانتِ فالكلمة دي! أنا هخرج أجيب حاجة أشربها."
 محمد: "أشتا، هاتيلي قهوة معاكي."
 مريم: "وأنا عايزة عصير."
 هدي (بقرف): "قومي هاتي لنفسك."

خرجت هدي ومرت على مجموعة من الشباب يجلسون على
 السلالم. قال أحدهم:
 الشاب: "آه، وتكه لو ترضي بس وتجييب الفون وبتاعها."

هدي في نفسها كانت فرحانة، لكن نظرت إليهم ومررت وهي سعيدة، وسمعت شابًا آخر يقول:

"يالاهوي، على جسمها خرزانه! ولا ريحتها! يalahوييييي!"
سمعت هدي كل هذا وهي سعيدة من داخلها، ولكنها تتظاهر باللامبالاة. لم تهتم لكلام أخيها، كانت شارده حتى مر من جانبها شاب ذو لحية خفيفة وكان يتمسك بمصحفه يتلو على نفسه وهو مغمض العينين، حتى اصطدموا ببعض.

هدي: "آه، مش تفتح يا أعمى! أنت وقعت القهوة عليا!"
الشاب في فرع: "أنا آسف والله، ماخذتش بالي. طب، أساعدك إزاي؟ أنا آسف والله."

هدي: "طبعًا! وهتاخذ بالك إزاي وانت مركز هنا؟ طب ركز قدامك! وبعدين، بص في المصحف مش هيطير يعني!"
ظهرت علامات الضيق على الشاب:

"إنت بتتكلمي كده؟ أنا كنت بعمل حاجة مهمة. لو مش مهمة بالنسبة لك، فهي مهمة بالنسبة لي. ولا إنت نسيتي ربنا؟"
ثم ذهب وتركها تغلي من حديثه.

ذهبت إلى البيت وهي تفكر في كلامه بعصبية.

عفاف: "ما تيجي يا بنتي تساعديني شوية."

هدي: "ماما، أنا راجعة من الكلية تعبانة، ومش ناقصاكي."

عفاف: "مش ناقصاكي؟! في بنت محترمة تقول لأمها

كده؟!"

هدي: "تؤيوه، مكنش قصدي."

عبير: "عيب تقولي لماما كده، هي مش عيلة بتلعب معاكي،
وعيب كمان تعلي صوتك عليها."
هدي: "آه، اهي الشيخة فتحت في الكلام، ومحدث هيقدر
يسكتها."

عبير: "أنا بجد مستغرباكي. إنتِ إيه اللي حصلك؟ مش كفاية
الناس كلت وشنا بلبسك ده. عمك محمد البقال بيقولني أنا مش
فاهم اختك دي، كيف بتلبس زي كده؟ ده شويه وهايقطع من
عليها."

هدي: "ماله لبسي؟ إن شاء الله! اهو اللبس اللي مش عاجبك
ده بيخلي الشباب تتجنن عليا! ولا عشان بس أنا أجمل منك؟
وانتِ مش لاقية حد يبصلك باللبس اللي مكبرك ده وشوال
الفحم اللي بتلبسيه."

عبير: "الله يسامحك! أنا مش هرد عليك، مش عشان إنك
أختي، لا، عشان إنتِ في غفلة وهتفوقي منها، بس وقتها
هيكون فات الأوان. ربنا يهديكي."

تركتهم ودخلت غرفتها. وكلمات عبير ترددت في أذنيها:
"هتفوقي بس وقتها هيكون فات الأوان."

نفضت الكلام وحاولت تجاهله، ووقفت أمام المرأة وهي
معجبة بنفسها جدًا، وابتسمت على ذكر معاكسة الشباب إليها.
"واللي كانوا هيتجننوا بس عشان أبصلهم! دول إيه بقى؟ أنا
وحشة؟ دا هي اللي شوال فحم."

ثم ذهبت إلى هاتفها وفتحت الأغاني، لكن قبل أن تردي السماعات، سمعت الأذان: "الله أكبر، الله أكبر." صمتت لدقيقة تراجع نفسها، وكالعادة:

"لما أقوم من النوم، هبقي أصلي."

أوقفتها كلمة عبير مرة أخرى، حاولت تجاهل الكلام ونامت، والسماعات في أذنيها، والأذان شغال. رفعت صوت الأغنية، ثم ذهبت في ثبات عميق.

استيقظت هدي على صوت صريخ بجانبها.

فتحت عينيها لترى والديها وأخواتها يجلسون بجوارها
يبكون.

هدي: "ماما، في إيه؟ أنتوا بتعيطوا ليه كده؟ ماما مبترديش عليا ليه؟ إيه اللي حصل؟"

قامت من على السرير بسرعة، لكن حدث شيء غريب! ياالله، أن جسدها ما زال موجودًا على السرير، لا حركة له، والسماعات في أذنها.

ارتعبت هدي في مكانها، لكنها تتظاهر بأنها لم تفهم شيئًا. ظلت تنادي عليهم، لكن لا أحد يسمعها. نظرت إلى والدتها وهي تحضن الجسد الموجود على السرير.

عفاف يبكاء مرير: "وجعتي قلبي عليك يا بنتي، ليه ما سمعتيش كلامنا؟ ليه؟"

هدي: "يا ماما، أنا هنا! أنتم مش سامعيني ولا شايفيني ليه؟"

ظلت تنادي بأعلى صوتها، ولكن لا أحد يسمعها. ذهب والدها واختها، لكنهم لم يروها بعد. نظرت إلى الباب، وكان الصوت قادمًا من أخيها مصطفى. مصطفى يبكاء: "الست اللي هتغسلها وصلت وقاعدة بره يا بابا."

هدي بتفاجؤ وشتات: "هتغسلها يعني إيه؟ أنا ميتة؟ لا، لا يمكن! لا يمكن أموت دلوقتي! أنا عايشة، اهو! بس، إزاي؟ إزاي أنا ميتة؟ والسماعة في وداني كنت بسمع أغاني؟ آخر حاجة عملتها في حياتي، بسمع أغاني، هقابله وأنا كنت بسمع الأغاني، وضيعت الصلاة... ميتة على سوء خاتمة!"

حاولت الصراخ بأعلى صوتها، لكن لا فائدة، لا أحد يسمعها.

حضروها من على السرير إلى المغسل من أجل غسلها. المرأة التي كانت تغسلها، وجهها تحول للون الأسود، وبعدها جسدها تحول للون الأسود. كانت روح هدي منهارة وندمانة.

هدي يبكاء: "بقي هو ده الجسم اللي كنت بغري بيه الشباب، وكنت بلبس الضيق عشان أبين تفاصيل جسمي؟ عشان أسمع كلمة حلوة؟ ترضي أنوثتي؟ ولا البرفيوم اللي كنت بحطه وكان بيجننهم؟ كنت بخرج بكامل زينة وتبرج عشان أعجب

الشباب؟ ونسيت ربنا! طب، إيه اللي أخذته من ده كله؟
ذنوب في ذنوب في ذنوب لحد ما بقيت باللون ده؟"

حضنت جسدها وكانت تبكي بمرارة، ثم قالت لنفسها:
"أنا آسفة، أنا اللي وصلتك لكده. سامحيني، بس بعد إيه؟
خلاص... فات الأوان

كفّنت المرأة الجسد، وكانت مشفقة عليها، وقالت: "ربنا
يرحمها، هي كانت بتعمل إيه في حياتها عشان جسمها يبقى
باللون ده؟ أعود بالله، هي دي سوء الخاتمة فعلاً."

رفعوا جسدها إلى الأحمال، ودخلوا بها إلى المسجد وصلوا
عليها صلاة الجنائز. هدي بانهيار: "صلاتي اللي أنا ضيعتها، واللي كنت بهملها،
الحاجة الوحيدة اللي كانت تضمن لي أني أدخل الجنة
ضيعتها هي كمان."

رفعوها مرة أخرى على الأحمال، وسط همس ولمز، من
هذا وهذه، منهم الشامت ومنهم من كان مشفقاً عليها.
هدي: "ومحمد اللي كلمته وحببته من ورا أهلي، ماشي
معاهم، طب والله كتر خيره."
محمد: "الله يرحمها، كانت فكراني إني ممكن أحب أو أتجوز
واحدة زيها، يلا الله يرحمها، دي آخرتها."

هدي بندم شديد: "طلعت حضيضة في عينه للدرجة دي؟
صح، ما هو أنا اللي رخصت نفسي، وهي دي آخرة الحب
الحرام.
خلونا نفصل شويه عشان أنا كمان عيطة.

جاسر: "علاء، يا علاء!"

علاء: "نعم يا بابا."

جاسر: "إنت جيت إمتي؟"

علاء: "من ساعة كده."

جاسر: "طب كويس، جهّز كده، وخذ دش، ويلا عشان
هنروح للعروسة."

علاء: "يا ربي والله يا حج، أنا مش عايز أتعجز دلوقتي،
مش عايز أشيل مسؤولية، أنا مش قدها، أنا لسه محققش
ذاتي، هصرف عليها منين من مصروفي اللي باخده منك؟
أنا لسه مش متثبت في الشغل."

جاسر: "يا بني، عايز أشيل عيالك قبل ما أموت."

علاء: "ربنا يدك طول العمر يا بابا، بس والله أنا لسه
معملتش حاجة، أنا كل ما أقدم في مدرسة، وأكلمهم عن
الدين والاختلاط في وقت الراحة يمشوني."

جاسر: "طب هسألك سؤال، هو إنت بتحب حد أو بتكلم حد؟"

علاء: "أنا وجّهت ذلك يا حج بردو، طب دا البنات بتخاف
مني، وبعدين أنا عمري ما أغضب ربنا وأكلم بنات

وأصاحب، لأ طبعاً، أنا هفضل قافل على قلبي كده لحد ما
تيجي واحدة تصوني وتصون شرفي وتبقى جميلة من جوه
ومن بره، وكمان أنا لازم أختار مراتي بنفسى، مش الحجة
اللى تجيبها لي كمان."

جاسر: "ربنا يكملك بعقلك يا بني، بس بردو قوم البس."
علاء بتذمر: "يعني بعد الخطبة دي بردو مصمم؟"
جاسر: "أه."

علاء: "طب يا بابا، هاقوم البس، خلىنا نشوف العروسة
دي."

جهزوا القبر لإدخال فيه جسد هدي.

هدي: "هنا هتبدأ حياة جديدة، معرفش عنها حاجة. صح؟"
صرخت فيهم بأعلى صوت: "متزلونيش، أنا معملتش حاجة
حلوة عشان أقابله. هقابله، أقوله إيه؟ أقوله على اللبس اللي
خرجت بيه من بيتي، وأنا كنت عارفة إنه مش هيرضيه؟
ولا كم الشباب اللي أخذت ذنوبهم؟ ولا الشباب اللي كلمتهم
من ورا أهلي؟ ولا الشاب اللي زعت فيه عشان باصص في
المصحف؟ ولا الأغاني اللي سمعتها، وموتت قلبي، وبعدتني
عن طريقه؟ ولا عن صلاتي اللي ضيعتها؟ ولا عن القرآن
اللي مقرأتوش من زمان، ونسيته أصلاً؟ ولا على صوتي
العالي على أمي؟ ولا على جرح مشاعر أختي؟ وغيرها؟
ولا على الغيبة والنميمة اللي كانت بينا أنا ومريم وصحاب
السوء؟ ولا على إيه؟ ولا إيه؟ أقابله بأي وش؟ هقابله وأنا

كنت بسمع أغاني، وأجلت صلاتي كالعادة؟ أنا مش عاوزة
 أنزل، متنزلونيش، أرجوكم، أنا خايفة أوي، أنا مرعوبة،
 طب خلي حد يجي معايا! فين مريم اللي كانت بتقولي أنا
 معاكي لآخر لحظة؟ أنا مش شايفاها ليه هنا؟ أنا خايفة، يا
 ربي!"

نزل الجسد القبر، وأرجلها تسحبها إلى الداخل لأن جاء وقت
 الحساب، جاء اليوم الذي لم تعمل حسابه (ولا حد عامل
 حسابه).

هلوا التراب على الجسد، وهي تصرخ، ولا أحد يسمعها.
 هدي: "متسبونيش لوحدي، أنا خايفة، استتوني، استنووووا!"
 عفاف: "مالك يا بنتي بتصوتي ليه؟ خضتيني، عليكي في
 إيه؟"

هدي بفرع: "ماما، إنت هنا معايا؟ يعني أنا صاحية، مموتش
 مش كده؟"

عفاف: "ربنا يطول في عمرك، دا كابوس يا حبيتي، اصحي
 يلا عشان تاكلي، واستعيذي بالله من الشيطان الرجيم."
 هدي ببيكاء: "ماما، أنا آسفة أوي يا ماما، سامحيني على كل
 حاجة وحشة عملتها فيكي، أو عدك إني مش هاعلي صوتي
 عليكي تاني، وهسمع كلامك في أي حاجة تقوليها لي. هتعلم
 من عبير، وهبقي زيها، هبقي البنت المحترمة اللي كنتي
 بتتمنيها، بس سامحيني."
 عبير: "هو في إيه؟"

هدي ببكاء، وهي تجري نحوها وتحتضنها بشكل مفاجئ:
 "أنا أسفة أوي يا عبير، أنا عارفة جرحت مشاعرك قد إيه،
 وعارفة كام مرة خليتك تنامي وأنتِ معيطة. كنت بقول عليكِ
 معقدة عشان ماشية صح، بس إنتِ طلعتي صح، وأنا اللي
 غلط. إحنا أخوات، أه، بس عمرنا ما كنا متشابهين في
 حاجة، بس من النهاردة عايزة أبقى زيك في كل حاجة، أنا
 دلوقتي عرفت مين فعلاً الوحشة فينا، سامحيني."
 عبير بابتسامة: "طب اهدي شويه، إيه العقل ده، إنتِ سخنتي
 ولا إيه؟"

أحمد بضحكة من خلفها: "أقول ربنا يهديكي ولا تتجنني
 عليا؟"

تركت هدي عبير، واتجهت إليه وهي تبكي بين أحضانه.
 هدي: "ادعيلي يا أحمد، ادعيلي دايماً بالهداية والصلاح."
 أحمد: "ربنا يهديك، يا حبيبتي."

خرج الجميع من الغرفة، وتركوا هدي بمفردها، ثم أغلقت
 الباب، ونظرت على غرفتها، وقالت: "صور فنانيين ومغنيين
 في أوضتي، بتعمل إيه؟"

نظرت بغضب شديد إليهم، ثم مزقتها وحرقتها، ثم اتجهت
 إلى خزانتها، ونظرت إلى كم من البناطيل الضيقة المعلقة في
 خزانتها، استغربت استغرباً شديداً من نفسها.

هدي: "أنا إزاي مسلمة وكنت بخرج باللبس ده من البيت؟
كنت بالظبط زي اللي كان في غيبوبة وفأق الحمد لله. أخذت
وعداً على نفسي أن الهدوم هتبقى للبيت فقط، حتى المكياج
والعطور هيبقوا للبيت فقط ولزوجي في المستقبل. ثم قامت
وتوضأت، وكأنها كانت أول مرة تتوضأ، وكان كل نقطة
مياه تسقط منها كأنها تسقط الذنوب معها. وصلت وكأنها أول
مرة تصلي، إحساس بطعم الخشوع في الصلاة، سجدت
وهي تبكي، وتحمد الله أنها أفاقت قبل فوات الأوان."
مسكت المصحف، ونفضت التراب من عليه، وهي نادمة
أشد الندم.

هدي بندم: "إزاي كان قلبي قاسي للدرجة دي؟ المصحف
عليه تراب."

فتحت المصحف، وكانت أول آية تقرأها هي: (واتقوا يوماً
ترجعون فيه إلى الله)

بكت بشدة، ودعت دعاء سيدنا يونس عليه السلام: (لا إله إلا
أنت سبحانك إني كنت من الظالمين)

هدي: "يارب، ندمت على كل ذنب عملته، أنا عارفة أنك
بعثت لي رسائل كثير، بس أنا تجاهلتها، بس المرة دي
الرسالة كانت قوية أوي. أنا هتولد من جديد، يا ربي،
وبعاهدك من اللحظة دي إني مش هرجع تاني للذنوب.
هقاوم، وأجاهد نفسي، مش هغضبك تاني يا ربي، طاعتك
ورضاك هيبقوا رقم واحد عندي، بس أرضني عني،

وسامحني، المرة دي توبة بلا رجعة. يا ربي، أنا راجعة لِيكِ
 بقلب نادم، فأقبل توبتي يا ربي. من النهاردة، مفيش غير
 سمعًا وطاعة، يا ربي."

مش عيب إنك ترجع لربنا، العيب الحقيقي إنك تأخذ الرسائل
 وترميها وراء ظهرك. محدش عارف النهاية إمتى، ارجعوا
 لربنا قبل فوات الأوان. ومش عيب برضه لما نصلح من
 نفسنا. اه، الناس مش هتسيبنا، بس زي ما شفتوا، محدش
 داخل معانا جوه.
 استقيموا يرحمكم الله.

وفي صباح اليوم الثاني، استيقظت هدي في الساعة الخامسة،
 وكانت تفعل كما تفعل عبير؛ تصلي الفجر، تقرأ الأذكار،
 وتقرأ الورد اليومي، وتصلي الضحى. بعدما انتهت هدي من
 الصلاة، ارتدت ملابس كانت عبارة عن فستان أسود واسع

فضفاض وخمار من اللون الأحمر، ولم تضع أي مساحيق
تجميل. كان وجهها بريء كبراءة الأطفال، تبدو كملاك
صغير، وكانت في غاية الجمال والبساطة.

هدي: عبير، يا بيبو!

عبير: يا قلب بيبو، ويا روح بيبو، نعمين وحته يا قلبها.

هدي (ضاحكة): إيه الدلع ده كله؟

عبير: أصل بصراحة، فرحانة أوي وفخورة بيكي جدًا.

هدي: الحمد لله يا عبير، بس أنا خايفة أوي.

عبير: من إيه يا حبيبتي؟

هدي: أصل أول مرة ألبس كده، ومحدث شافني غيرك.

خايفة صحابي يتريقوا عليّ.

عبير: إيه؟ كملي.... محمد.

هدى: لا، والله، أنا أصلاً هقطع علاقتي بيه تمامًا أنا أقصد

مريم مش هتسكت.

هدي: خايفة الناس تقولي مكبرك ويتريقوا عليّ هما

وأصحابي.

عبير: أولاً، خلي صحابك والناس دول آخر همك؛ عشان

دول مش هينفعوك لما تيجي تدخل القبر، وكمان وقت

الحساب. كل ما حد يكلمك عن الخمار، ابتسمي، عشان

خدتي حسنات من غير جهد.

هدي (فرحة): إيه ده؟ بجد يعني لو حد اتكلم عليّ، هأخذ حسنات؟

عبير: طبعا.

هدي: طب الحمد لله! يا رب كل الناس تكلمني النهاردة عشان أخذ حسنات كتيرة.

عبير: كتير، طب يلا ياخشى عشان نفطر.

عفاف: بسم الله تبارك الرحمن، إيه يا هدي ده؟ ربنا يفتح عليك يا رب.

هدي: حلو يا ماما، بجد.

عفاف: قمر يا بنتي، الله أكبر، ربنا يحفظك يا رب.

عبد الله: ربنا يفتح عليك يا هدي، يا بنتي. والله ما تتخيليش أنا فرحان بيكي قد إيه. ربنا يثبتك يا رب.

هدي: إيه يا أحمد، مقولتش رأيك فيا؟

أحمد: دا أنا من حلاوتك مش قادر أتكلم والله، وفرحتي مش تتوصف. بجد، اللهم بارك، حاجة كده يعني مش تتوصف.

هدي: حبيبي، ربنا يبارك لي فيك يا رب. مصطفى، إنت مقولتش رأيك أنت كمان؟

مصطفى (ببرود واستنكار): حلو.

تعجب الجميع من رد مصطفى، وظنوا أن هدي ستبكي اليوم بأكمله من رده، لكن تعجبوا أكثر من ردها.

حمزة: كده يا حجة؟ طب، دا أنا حتى ابنك ضناك، اللي لقيته عند باب جامع.

جاسر: يا أولاد، حرام عليكم والله.

جلسوا جميعهم يتناولون الإفطار تحت ضحك جاسر ومروه ومرح حمزة وعلاء.

جاسر: زعلان منك يا علاء.

علاء: أنا يا بابا؟ ليه؟

حمزة: تستاهل، أحسن معرفش ليه، بس أحسن.

مروه: آخرس يا واد، وكل بدل ما أنت قاعد بتلعب في الطبق كده، أخلص عندك جامعة.

جاسر: رفضت العروسة ليه يا عم علاء؟

علاء: مش بتصلي ولا بتقرأ قرآن، متعرفش حاجة عن

الاستخارة. لقيتها بتطلع التليفون قدامي وبتكلم واحد، دي

كلها أسباب تخليني أرفض. وكمان أهلها، أول ما قالت نقعد

لوحدها، لقيت أمها بتدخلنا أوضة وبتقفل الباب.

جاسر: ياااه!

مروه: قولت لا، يا أبو علاء، مصدقتنيش. اهو، عملت لي

مشكلة مع أم البت نرجس.

حمزة: جماعة، ولا نرجس ولا فلة، خلونا ناكل عشان بعد

كده زي كل عروسة، هتفضلوا تتخانقوا.

علاء: أحسن حاجة قولتها في القعدة دي، أقسم بالله.

حمزة: عيب يا كبير، بس هتوصلني الجامعة بعربيتك؟

التكملة

هدى: عبير، أنا مش عارفة أحط إيه في شنطتي؟
 عبير: حطي اللي كنتي بتحطيه يا هدى، إيه الجديد؟
 هدى (بإحراج): أصل... أنا كنت بحط ميك أب وبرفيوم.
 عبير (وقد استشعرت إحراجها): ياااااااااا، ومالك كده؟ خايفة
 ومحرجة؟ مش مهم اللي كنتي بتحطيه، المهم إنك رجعتي
 لربنا وعرفتني إن ده غلط. وعلى العموم، هقولك تحطي إيه.
 بصي، هاتي البوك بتاعك.
 هدى: اتفضلي، هو.
 عبير: هاتي البطاقة والفلوس هنا، أما الشنطة فحطي فيها
 البوك والمصحف، واسكيتش المحاضرات، والقلم، والمصلاة
 دي عشان تصلي بره، وبس كده.
 هدى: ياه، تخيلي، الشنطة أول مرة تاخذ حاجتي! كل مرة
 أخذ حاجة في إيدي.
 عبير (ضاحكة): متقلقيش، بتكفي يا أختي.
 مصطفى: أنتي متأكدة يا هدى إنك عايزة تلبسي وتنزلي كده؟
 هدى (بتقة): أيوه.
 مصطفى: أممم، طب تعالي أما أقولك.
 هدى: محمد مش أهم من ربنا، مصطفى. عادي يعني، أنا
 نازلة يا عبير.

مصطفى: طب تعالي يلا.

هدي: لا، همشي لوحدى.

مصطفى: ليه؟ إن شاء الله؟

هدي: لأنك بتمشي مع شباب، وأنا أكيد مش هامشي معاكم.

يلا، سلام عليكم.

مصطفى (بتعجب): البت دي اتقلبت إمتى؟

عبير: عقبال ما تتقلب زيها يا مصطفى، يا بن عفاف

وعبدالله، دا انت راى...

مصطفى: بسسس، بس، بس! سلام.

عبير: سلام يا خويا.

مريم: أحمم لو سمحتي، إيه ده هدى؟

هدي: آه، نعم يا مريم.

مريم بتعجب: إيه ده؟ إيه اللي عمل فيكي كده؟

هدي: عمل فيا إيه؟ ما أنا كويسة اهو.

مريم: كويسة إيه؟ إنتي إيه اللي شقلب حالك كده؟

عبير: طب قولى ربنا يهديها.

هدي بنفاز صبر: مريم، اخلصي، عايزة إيه؟ بصي، عشان

تبقى عارفة، دي هاتبقى طريقة لبسي، ومش هكلم شباب ولا

هكلم محمد. أنا عايزة أرضي ربنا، وياريت إنتي كمان

تعلمي زيي، ومنتسيتش ربنا.

عبير: ياريتك تعملي زيها يا مريم. اسمعي كلامها يا حبيبتى.
يلا يا هدي هتتأخري.

ثم تركوها ورحلوا.

مريم: أمم، ما هو طول ما عبير وراها مش هتسيبها.
عند باب الجامعة

علاء: امشي يا عم حمزة، إديني وصلتك، اهو لحد الكلية، يا
رب تنبسط. فكرني كده، إيه اللي جابرنى أوصلك؟

حمزة باستفزاز: عشان مقولش لأمك على حنان بنت أم
حنان، تخطبها لك وانت مش بتطبق سيرتها، وأمك بتموت
فيها. آه، أيوه، مبسوط، وياريت بقي كل يوم من...

صمت وهو يرى هدي للمرة الثانية، ولكن هذه المرة مختلف
عما قبلها. صمت وهو يقول في نفسه: "جميلة". ثم استفاق
وهو يقول: "إيه ده في غض البصر؟ وبعدين، بقى دي كده
فتنة؟" سمعه علاء وقال:

علاء باستغراب: فتنة؟ فتنة إيه يا حمزة؟

محمد: ها، فتنة إيه؟ أنا بقول كده هتأخر على محاضرة
الدكتورة فوتنة.

علاء بخبث: فوتنة؟ فتنة مين يا حمزة؟

حمزة: متأخدش في بالك يا علاء، بقى متبقاش كده. يلا، انت
تيك كير يا قلبي. هههه.

علاء بتعجب: تيك كير؟ والله شكلها فتنة مش فوتنة. ماشي يا
حمزة، سلام.

حمزة: سلام.

حمزة: يا أنسه يا أنسه.

هدي: الحمد لله إني لقيتك. كنت بدور عليك. أنا آسفة أوي

على اللي حصل مني. بجد بعنذر منك، وياريت تقبل

اعتذارى. فعلاً، أنت كان عندك حق. المصحف مهم وأهم

مني. أنا مش عايزة ذنوب، أرجوك تقبل اعتذارى.

حمزة: طيب اهدي، أنا أصلاً كنت بنادي عليك عشان أعتذر

منك عشان اتعصبت. متعيطيش، أنا قابل اعتذارك.

هدي: بجد، شكراً أوي.

ثم تركتها ورحلت.

حمزة: إيه اللي بدلها كده؟ هيحح. ربنا يهديها ويهدي بنات

المسلمين جميعاً.

عبير: والله يا أستاذ شوكت، كنت بوصل أختي الجامعة.

شوكت: يا أنسه عبير، مخصوم منك نص يوم، ومفيش كلام

تاني. ثم تابع: تعالي هنا يا أستاذ علاء، تعالي.

علاء: اممم، أصبحنا وأصبح الملك لله. خير يا أستاذ

شوكت؟

شوكت: أنت إيه اللي أخرك؟

علاء: كنت بوصل أخويا للجامعة.

شوكت: يا ماشاء الله، أنتوا الاثنين بتوصلوا إخوانكم؟ صح؟

طب إيه رأيك؟ مخصوم منك نص يوم أنت كمان.

علاء وهو يقترب منه ويجز على أسنانه: طب لبيبييه؟ ههه،
لييه خصم نص يوم؟

شوكت بخوف: هو كده، هه. ثم تركه ورحل في خوف.

عبير وهي تكاد تبكي: وربنا كنت بوصلها يا أستاذ شوكت.

علاء: الله يسامحك يا حمزة الكلب، أنت وأستاذ شوكت.

علاء: معلىش يا أستاذة، ربنا ليه حكمه في كده. متزعليش.

عبير بإحراج: حصل خير، الحمد لله.

علاء: أحب أعرفك بنفسي. أنا أستاذ علاء الدين جاسر،

مدرس اللغة العربية الجديد في المدرسة.

عبير: أهلاً وسهلاً. أنا عبير عبدالله، مدرسة اللغة العربية في

المدرسة. اتشرفت بحضرتك، بس مش هقدر أسلم باليد.

علاء وقد أعجبه: شكراً والله، الحمد لله، اتعافيت من التسليم

باليد. أصل أنا كمان مش بسلم، عشان كده ممدتتش إيدي.

عبير: أها، طيب بعد إذنك بقي.

ثم انصرفت داخل المدرسة.

علاء وهو يحدث نفسه: إيه اللي أنا بعمله ده؟ واقفين لوحدنا

كده؟ مالك يا علاء؟ فوق، كده كده هاتبقي فتنة، أو فوتنة،

على رأي الواد حمزة اللي جابلي خصم من ثاني أسبوع.

عبدالله: الحمد لله يا أم أحمد، هدي فاقت لنفسها ورجعت

لربها.

عفاف: الحمد لله يا أبو أحمد، عقبال مصطفى يا رب.

عبدالله: يا رب.

أحمد: حرماً يا شيخ عبدالرحمن.

الشيخ: اسمها تقبل الله يا بني. "حرماً" دي لا أصل لها.

أحمد بتفاجؤ: إيه ده؟ بجد؟ دا كتير بيقولوها، حتى أنا.

الشيخ: لأنها انتشرت بينا زيادة عن اللزوم.

أحمد: ربنا يرحمنا برحمته الواسعة يا رب.

الشيخ: يا رب يا بني، يا رب.

أحمد: طب أنا عايز أسأل سؤال يا شيخ.

الشيخ: تفضل يا بني.

أحمد: هو أنا لو عايز أخلي حد يبعد عن حاجة، وقلته إن في

حد عزيز عليك هو اللي قال لي أقولك تبعد، وهو مش

هايصدق إلا لما أحلف. لو حلفت، يبقى حرام عليا؟

الشيخ: لأ، مش حرام، وهاتؤجر لو بعدتوا عن حاجة حرام.

بس حاول على ما تقدر إنك متحلفش وتحاول تبعدوا من غير

حلفان. فاهم؟

أحمد: أيوا فاهم، ربنا يبارك فيك يا شيخنا.

الشيخ: تسلم يا بني، ربنا يبارك فيك. اسندني بقي أما أقوم

أصلي ركعتين لله.

أحمد: عينيا.

مصطفى بضيق: ما خلاص بقي يا محمد، زهقتني. قولتلك

سيبها على راحتها، وهي شويه وبعدين ترجعلك.

محمد بعصبية: توؤؤ، مصطفى، أنت بقالك ساعة بتقول كده،

وأنا عمال أقولك: إيه اللي قلبها؟ هي مبقتش تحبني.

مصطفى بضيق: جتك القرف في قعدتك! أنا زهقت.
هو ففففففففففف.

"هنيئاً لمن صلى الفجر، فهو في ذمة الله."

انتهت هدي من محاضراتها الأولى وهي لأول مرة تستمتع
بالدراسة ولا تهتم لكلام أحد عن سبب تغيرها.
هدي: يا الله، المحاضرة كانت طويلة لكن استفدت منها.
ردت زميلتها من خلفها: أيوه، بصراحة، وكمان لبسك أحلى
من الأول، اللهم بارك.
هدي بتفاجئ: بجد؟ أنتِ أول حد من بعد عيلتي تقولي لي
كده.

البننت: ازاي؟ مفيش بنت قالت لك إنك قمر نازل من السما؟
هدي بزعل: أهو بقي الحمد لله، حتى صحبتي المقربة بعدت
عني لمجرد إني برضي ربنا.
- مريم

أيوه، تعرفيها؟

- معرفهاش شخصياً ولا اتعاملت معاها، بس أعرف إنك
كنت ماشية معاها وكمان سمعتها سبقتها في الكلية كلها.

ربنا يسهلها، إنتِ اسمك إيه؟

البنيت: اسمي فاطمة، وأنتِ هدي صح؟
هدي: أيوه.

فاطمة: طب ممكن نكون صحاب؟ أصل أنا مليش صحاب
غير ياسمين اللي مجاتش النهاردة دي ههههه.
هدي بضحكة: أيوه، أعرفها، بس بصراحة بخاف منها.
فاطمة: ليه بس؟ دي جميلة أوي.
هدي: أيوه، هي جميلة فعلاً، بس بحس إنها متشددة كده،
فبتخليني أخاف منها.

فاطمة: لااا، يا ستي، ولا متشددة ولا حاجة، هي بس بتحب
تحافظ على نفسها، ومش بتحب تسلم على الرجالة عشان دي
حاجة حرام وربنا أمرها بكده. عرفتي بقى إنها مش متشددة
ولا حاجة.

هدي: أممم، طب لو حبيت أعمل زيها ومخليش الرجالة
يسلموا عليا، أعمل إيه؟

فاطمة: لما يبجي واحد يسلم عليكى غير محارمك، حطي
إيدك على قلبك وقولي: "أنا أسفة مش بسلم"، ولو عمل كده
تاني نفس الشخص، قولي: "لا، مش بسلم".

هدي: طب ما هو كده هيتخرج مني.

فاطمة: وماله، إحنا قولناها بالحسنى الأول، وهو اللي عايز
كده، وبعدين يتكسف، ما هو بيعمل حاجة حرام. فهمتي؟
هدي: فهمتك، الحمد لله، يلا عشان المحاضرة الثانية هاتبدأ.

حمزة بضيق: توو، يا رب، يا رب، أنا مش عارف أغض بصري عنها. ليه، يا رب، ساعدني. أعوذ بالله من الشيطان الرجيم.

إبراهيم صديق حمزة: مالك يا حمزة؟ في إيه؟ الدكتور دخل. حمزة: مش عارف يا إبراهيم، مش عارف أغض بصري عنها.

إبراهيم: هي مين دي؟
- البنت اللي حكيت لك عنها وعن تصرفها جنبنا، اهي، مش عارف أغض بصري.

إبراهيم: طب تعالي مكاني، وحاول تبص الدكتور وما تبصش ليها.

علاء: تمام أوي كده، الحمد لله، خلصنا بدري. اللي عايز يسأل سؤال يفضل.

طالب: لو سمحت يا مستر، عندي سؤال بس برا المنهج. علاء: اتفضل، مش مشكلة، إنت زي أخويا الصغير.

الطالب بابتسامة: هو ليه الكل بيقول عن حضرتك متشدد، وإن كل اللي عندهم لحية بيبقوا متشددين؟

علاء بابتسامة: طب، وأنت إيه رأيك؟ أنا متشدد؟

الطالب: أنا شايف إن لأ بصراحة.

علاء: طب بص، أنا هجاوبك، إنت افترض جبت تليفون جديد، إيه أول حاجة بتعملها؟

الطالب: هاشوف الكتالوج بتاعه، وببشتغل إزاي عشان أقدر أتعامل معاه.

علاء: طب، إيه اللي خلاك تسمع كلام الشركة وتشوف الكتالوج، ما تتصرف لوحدك؟

الطالب: التليفون يبوظ مني.

علاء: طيب، لما بتاخذ التليفون مش البائع بيبقى واقف بفهمك تعمل إيه، والشركة منزلها معاه كتالوج ليه؟

الطالب: أيوه، بس مش فاهم منك حاجة هههههه.

علاء: وحياتك ولا أنا بس، استني هنوصل ههههههه. بص،

أنا البائع، وجايلك بالكتالوج، وبقولك تصلي عشان ربنا يصلح حالك. مش أنا كده عايز ليك الصح.

الطالب: صح، أيوه.

علاء: طيب، مش ربنا هو اللي خلقنا وهو عارف إيه الصح وإيه الغلط، وعرفك من المصحف الصح والغلط؟

الطالب وبدأ عليه الفهم: أيوه.

علاء: بس دي كلها الفكرة، أنا بقولك تعمل اللي ربنا قالك عليه، فإنت بتشوف إن أنا متشدد، بس في الأساس أنا عايز

مصلحتك. ربنا اللي خلقك، والكتالوج هو المصحف اللي

بفهمك، أما البائع فهو أنا اللي بشرحك. فهمت؟

الطالب بابتسامة واسعة: أيوه فهمت، شكراً أوي لحضرتك.

طالبة: مستر، كلمة "متدين" ملهاش معنى صح؟ أو بمعنى

أصح، لا أصل لها صح؟

علاء: أيوه، دا فعلاً.

الطالب: إزاي؟

الطالبة: أصل المتدين ده بيعمل إيه؟

الطالب: بيصلي، بيصوم، بيزكي، بيقرأ قرآن.

الطالبة: طيب مش المفروض إحنا كمسلمين نعمل ده، بس لما بنشوف حد بيعمل كده بنقول عليه متدين، مع إنها كلمة غلط أصلاً. هو ده المفروض اللي بنعمله.

علاء: صح، برافو عليك، تبارك الله، ربنا يحفظكم كلكم يا رب.

أعلن الجرس صوته بأن حان وقت الراحة.

علاء: طيب يا شباب، تقدرُوا تنزلوا، ولو حد احتاج حاجة، أنا في أوضة المدرسين، اتفضلوا.

في غرفة المدرسين.

عبير: أنا جعانة، وربنا جعانة.

سلمي: أمم، لازم تكوني جعانة، ما هو إنتِ مبتاكلش بالطريقة دي غير لما يكون حد منكد عليك.

عبير بنبرة تشبه البكاء: آه، أنا متنكد عليا، آه، عيني عليك يا عبير، يا اللي مخصومك نص يوم. اaaaa.

سلمي بضحك: خلاص، بقالك ساعة بتنوحي على نص يوم. أومال لو كان أسبوع زيي؟

عبير: طب مش هاتفضل معانا وإحنا بنجهز الديكور حتى؟
مصطفى (بضيق): وأنا مالي يا عبير؟ ما تعملوا اللي تعملوا
هه.

ثم تركهم ورحل إلى غرفته.

عبير: مالو ده؟

أحمد (بتعجب من أخيه وتصرفاته): مش عارف.

عبدالله: ربنا يهديه ويهدي شباب المسلمين.

عفاف: يارب يا أخويا، المهم حد يتصل على هدي يشوفها
فين بدل ما تطب علينا فجأة وإحنا بنعمل الزينة.

أحمد: صح يا ماما، عندك حق.

ثم أخرج هاتفه واتصل بهدي.

أحمد: ألو، أيوة يا دودو، انتي فين يا حنة؟

هدي: أيوة يا أبو حميد، معلى اتأخرت عشان باخد
محاضرات من واحدة زميلتي.

أحمد: لا حبيبتي، ولا يهملك، أنا كنت بظمن عليكى بس.

هدي: ماشي حبيبي، سلام.

أحمد (بضحك): عيسلام.

عفاف: الحمد لله، باقي لها شوية يلا على الشغل. ثم بدأت
تقسيم الأعمال.

عفاف: أحمد، إنت هتعلق الزينة إنت وعبير، ومصطفى

هاجيبه يعمل معاكم البلاين غصب عن عينه.

وإنت يا عبدالله، إنت هتعمل الحلويات والتورتة لأنك شاطر فيها، الله يجازيها خير، الحجة علمتك.

عبدالله (بحنق من زوجته): أنا؟ أنا يا عفاف، على آخر الزمن أعمل حلويات وتورتة هه، انسي يا حبيبتي، قال تورتة قال.

– هااا كده حلو يا عفاف، ولا أزود بيض؟

عفاف (باستفزاز): لأ، حط بيض، ولا أقولك؟ خف بيض؟ ولا استني، حط بيضة كمان، حط حط.

عبدالله (بعصبية): الصبر يا رب.

عفاف (ببرود): يارب.

مصطفى (بضيق): فكرني كده يا أحمد، إيه اللي خلاني أقف أنفخ بلالين؟

أحمد (بضحك): جاز عشان أمك متنكدش عليك، عيشتك ومتبقاش تربية وسخة.

مصطفى (وهو يتصنع التذكر): آه عشان كده.

عبير (بضحك): بابا هاين عليه يولع فينا وفي هدي والاحتفال بتاعها.

أحمد: حصل.

عبدالله (وهو يجز على أسنانه): كده كويس يا ست عفاف، ولا أحط عسل على البسبوسة تاني؟

عفاف (باستفزاز): حط حط، ولا أقولك متحطش، أنا بحبها كده.

مروه: يوه في إيه؟ انتم الاتنين.

علاء: أصل بصراحة، الحوار ده بيكمل بخناقة فل كده، مع أنت تربيتك وسخة يا علاء، واطلع أزعل فوق شوية، وبعدين حمزة يطلع ينزلني من فوق، وأنزل نكمل قعدتنا. جاسر: الواد حفظ.

حمزة: حصل والله، ياريت تقفلوا الخناقة دي عشان جعان. علاء: جعان؟ جعان إيه؟ إحنا لسه قايمين يا حمزة من على الأكل.

حمزة (وكانه يشرح مسألة لتلميذ): بص، مش أنا مشيت من أوضة السفارة لحد هنا، يعني جوعت، فعايز أعوض بقي. علاء: تعوض؟ آه، عوض يا حمزة، عوض أخويا، اتفضل على المطبخ، لأنني جوعت أنا كمان ولازم أني أعوض. جاسر: أنا مش فاهم إيه العيال دي تعوض إيه، إحنا لسه واكلين.

مروه (بضحك): يا خويا، سيب العيال تاكل براحتها. جاسر: براحتهم؟ هه، طب قومي هاتي حلة المحشي أما أسلم عليها.

مروه: آه يا خويا، وأنا كمان هه، أما أقوم الحقلنا صوبعين من المفاجيع عيالك دول ههههه.

هدي: بسم الله الرحمن الرحيم، هي الدنيا ضلمة ليه كده؟

الجيران في صريخ وصوت: يارب، ربنا يردكم سالمين، يا رب.
جاسر بفرع: مروة!

هدي بمرح: يا سلام! أما حنة تورتة أما إيه عنب!
أحمد: آه والله، ما أخذتش في إيدي ثواني.
مصطفى: قصدك في بوقك ثواني.
هدي: طب يا جماعة، كلنا وشربنا ولعبنا وهزرننا، أنا بقى
عايزة أروح مقرأة.
عبير: ما شاء الله يا هدي، جدعة، تعالي معايا.
هدي بقلق: بس تفتكري هعرف أحفظ؟
أحمد: أيوه طبعا، بس جربي، وانتي تحببها وتحبي حفلاتها
اللي هتشجعك.
مصطفى: طب ما تحفظي هنا لوحدك.
عفاف باندفاع: لا، مش هتعرف وهتكسل.
عبدالله: فعلاً، ثم نظر إلى ساعة يده، ياااه، الوقت سرقنا
أوي، يلا ننام بقى.
هدى: أيوه، أنا تعبانة أوي وعايزة أرتاح.
عبير: طب تصبحوا على أجمل خبر في الدنيا.
مصطفى: تصبحوا على خير.

ثم نهضوا جميعاً إلى النوم ما عدا واحدة كان قلبها مقبوض بشدة ولا تعلم لماذا، لكنها قالت: ستنام اليوم وتطمئن عليه في الكلية غداً، فهي كانت تعلم أنه ينظر إليها، ثم بدل مع صديقه المكان.

مروة بتعب: عيالي، عيالي يا جاسر.

جاسر: إن شاء الله خير، يا رب هون، يا رب هون.

مروة ببكاء: مش هيرحموهم والله! طب علاء وعشان دقنه، حمزة ليه بس؟

جاسر: صعب عليه أخوه، اتحمق عشائه، ادعيلهم، ربنا يفك كربهم، يا رب.

مروة ببكاء: يا رب، يا رب، فك ضيقتهم وهون عليهم، يا رب. أمن الدولة مايبهزرش، يا جاسر، عيالي!

جاسر: ربنا يستر، يا رب، ويخرجهم سالمين، يا رب.

مروة: كلم حد من اللي تعرفهم.

جاسر: يعني هي أول مرة يا مروة؟ حتى لو كلمتهم زي كل مرة، اللي هيهرب، واللي هيجيب مدة قليلة، محدش بيعمل حاجة تنفعني.

مروة بصراخ: اتصرف، اتصرف، عيالي الاتنين عندهم، اتصرف!

جاسر: يا دكتوروووور، الحقني يا دكتوروووور!

الدكتور للمرضة: جهزي لي حقنة مهدئة بسرعة.

في اليوم الثاني كانت هدي ترتدي ملابسها وهي تردد
الأذكار، لكن الخوف لا يزال في قلبها.

عبير: مالك يا هدي؟

هدي: مفيش يا عبير، أنا كويسة.

عبير: لا، مش كويسة، إنتِ باينة عليكِ إنك متوترة أو
قلقانة.

هدى بخوف: لا، لا، لا، أنا كويسة، أنا بس ورايا امتحان
شيت.

عبير: لا تقلقيش، إن شاء الله خير يا حبيبتى، أنا هنزل بقى
على الشغل.

هدي: مع السلامة يا حبيبتى.

مريم: وبعدين يا محمد، هدي لسه زي ما هي، تخيل إمبراح
أكلمها أقولها تعالى ننزل سوا، سامح عايز يسلم عليّ، تعالى
معايا، تقول لي "اتقي الله يا مريم، هو أنا بعمل إيه يعني؟"
محمد: بقولك إيه؟ أنا زهقت، وهسافر. هي حرة بقى، تلاقي
في حد في حياتها. سلام.

مريم: سلام إيه؟ تعالى هنا، أنت هتسافر فين؟

محمد: هسافر الجيش، ده آخر شهر لي، وبعدين هحول
ورقي وحاجتي كلها لأمریکا.
مريم: محمد استني، يا محمد، هوووف، جتكم القرف كلکم.
هدی: یا هدی.
هدی: نعم یا مريم؟
مريم: محمد مشي.
هدی: محمد مين اللي مشي؟
مريم: محمد أحمد، یا أختي، إيه نسيتيه؟
هدی دون فهم: أعملوا إيه يعني، ما يمشي الله يسهل له.
مريم: أنت عبيطة يا بت، بقولك محمد مشيبيي بالاي.
هدی بز هق: طيب، أنا مش فاضية يا مريم. سلام.

أستاذ شوكت: أستاذ رامي فصل ٦/٥، أستاذة عبير فصل
٥/٣، أستاذة سلمى فصل ٢/٣، أستاذة أسامة فصل ٥/٤،
أستاذ علاء فين يا جماعة؟
عبير بالرغم عنها تلفتت حوالها.
سلمى: مالك يا بت؟
عبير: ها، لا مفيش حاجة.
سلمى: لا في إيه؟
عبير: مفيش يا ستي، يلا عشان الحصة الأولى.

ياسمين صديقة فاطمة: إزايك يا دودو؟
 هدي: الحمد لله بخير، إنتِ عاملة إيه؟
 ياسمين: الحمد لله، إيه عملتي إيه في الامتحان؟
 هدي: الحمد لله، كان حلو.
 فاطمة: أومال مالك كده في إيه؟
 هدي: لا، مفيش، أنا كويسة.
 ياسمين: متأكدة؟
 هدي بابتسامة: آه الحمد لله.
 فاطمة: طيب، لما تحبي تتكلمي إحنا موجودين وهنساعدك يا
 جميلة، اتفقنا؟
 هدي بابتسامة: اتفقنا.
 ياسمين: طب إيه، مش هنفطر؟
 فاطمة: آه، أنا جعانة أوي.
 هدي: طيب يلا شوفوا هنفطر إيه، وأنا هخرج أجيب.
 فاطمة: خلاص، هنجيب _____.
 هدي: خلاص، ماشي، بعد إذنكم.
 فاطمة: هي مالها يا ياسمين؟
 ياسمين بحيرة: مش عارفة والله، بس ربنا ييسر لها أمورها،
 يارب.
 فاطمة: يارب.

هدي بتفكير: طب، هو ليه مجاش النهاردة؟ ده كان في امتحان، يمكن راحت عليه نومه، ربنا يستر. أو ممكن تعبانة. أهو، أنا شاغلة دماغي وقلقانة ليه؟ أنا مالي به؟ بس مش عارفة، فعلاً هو في إيه؟

مرت بجانب إبراهيم وهو جالس على سلم الجامعة، وهو يتحدث في الهاتف ويبكي.

إبراهيم: يعني إيه؟ يعني إيه يا عم جاسر حمزة، اتأخذ أمن دولة؟ حرام، حرام والله.

هدي بفرع: أمن دولة؟

إبراهيم: طيب يا عم جاسر، أنا هشوف دكتور المادة، وهتصرف، سلام.

ثم نهض وهو يرى هدى وهي تبكي.

إبراهيم: في حاجة يا أنسة؟

هدي بدموع: لا مفيش، بعد إذنك.

إبراهيم: مالها؟ د... آآه، دي البت اللي حمزة حكالي عنها، تلاقيها سمعت. ثم تنهد وقال: ربنا يفك كربك يا حمزة، إنت وعلاء، يارب.

هدي: بعد إذناكم يا جماعة، أنا همشي. الفطار أهو.

ياسمين: لا طبعاً، رايحة فين؟ وبعدين لسه ورانا محاضرة وسيكشن.

هدي: لا همشي، وبعدين أبقى أنقلهم من أي حد.

عبير بخضة: لا طبعاً، إنتِ بتقولي إيه؟ ده زميل، وحصل بينا أكثر من مواقف عشان كده قلقانة بس. وبعدين ده أخي في الله.

سلمى: أخوكي في الله؟ آه، وبعدين مواقف إيه؟ مش هو موقف بتاع أستاذ شوكت؟

عبير: لا، أصل أستاذ رامي كان بيحاول يدايقني زي العادة، بس هو وقف وقالوا يروح على حصته عشان ميعملش شكوى في الإدارة. والمره الثانية كنت تعبانه بعد المدرسة، عرض عليّ يروحني في تاكس، عشان مينفعش أركب عربيتو، رفضت برضه، فضل واقف لحد ما لقيت ميكروباص وركبت. بس كان كل شويه يعرض عليّ إننا نروح صيدلية.

سلمى بخبت: أمممم، قولتلي أخوكي في الله بردو؟ ههههههههه.

عبير: سلمى اتلمي، إنتِ عارفة إني مليش في الكلام ده. سلمى: ياختي يعني أنا اللي ليا، احنا زي القطر، شعارنا عايزنا ندخل بيتنا. عمتاً، إن شاء الله خير.

رامي: إزايك يا أستاذة عبير؟

عبير: الحمد لله، في زحام من النعم.

سلمى: نعم يا أستاذ رامي؟ خير؟ داخل غرفة المدرسات ليه؟ بس الحمد لله إنك بتخبط الأول. والله أصل في هنا منتقبات زي ما حضرتك شايف، أنا والأستاذة عبير، وأبلة عايدة.

رامي باستفزاز: أنا مش جايلك أصلاً، أنا جاي أقول خبر،
وأمشي.

سلمى بقرف: خير يا رب.

رامي بشماتة: لا، أصل الأستاذ علاء جاسر اتاخذ أمن دولة.
عبير بفزع: إيبيبيبيبه؟

سلمى: ينهار أبيض، لا إله إلا الله، أنا لله وإنا إليه راجعون.
عرفت إزاي؟

رامي بسخافة: هو أنا بقول مات؟ ده إنتِ غريبة، أبوه جه
سحب الأوراق اللي كان مقدمها عشان يبقى مدرس مثبت
هنا، وعرفت. بس يلا، عامةً يلا في داهية.

سلمى بضيق: اطلع بره.

عبير ببكاء: لا إله إلا الله.

سلمى وهي تربت على ظهرها بحنان: اهدي يا عبير، إن
شاء الله خير، ادعيله، ربنا يفك كربه.

عبير: يارب.

فَلُطْفَكَ إِنِّي أَتَيْتُكَ قَلْبًا مُضِيْعًا وَيَسْأَلُ حَبْلَ النِّجَاةِ

عفاف: المهم بقى يا عبير بعد ما تعملي الصلصة هاتي جي...
عبير... عبير.

عبير: ها، نعم يا أمي؟
 عفاف: نعم إيه؟ أنا بقالي ساعة بتكلم، مالك يا بنتي؟ في إيه؟
 عبير: ولا حاجة يا أمي، هي هدي فين؟
 عفاف: لسه في الكلية.
 عبير: طيب يا أمي، لما تيجي ابق صحنيني. أنا هدخل أريح شوية.

عفاف: طيب، نوم العوافي يا بنتي.
 عبير: تسلمي يا حبيبتي.
 ثم دخلت إلى غرفتها وقالت إنها ستصلي صلاة الحاجة بنية فك كرب علاء، وهي لا تعلم لماذا تفعل هذا، لكنها كانت تقول إنه مجرد أستاذ زميل في المدرسة.
 فاطمة: يا خبر أبيض! إيه كل ده؟
 ياسمين: لا إله إلا الله، ربنا يفك كربه يا رب. متعيطيش، ادعي له أحسن.
 فاطمة: بصي يا دودو، لو عايزاه يطلع فعلاً، قولي: "لا إله إلا أنت سبحانك إني كنت من الظالمين" بنية فك كربه، وإن شاء الله خير.

ياسمين: أيوة، مع ركعتين قيام ليل مع صلاة الحاجة، هايخرج بإذن الله.
 هدى (بدموع): يا رب.
 فاطمة: هدى، هو أنت بتحببيه؟
 هدى (بفرع): لا، حرام!

ياسمين بابتسامة: مين اللي فهمك كده؟ الحب مش حرام. طيب، ما سيدنا محمد كان بيحب السيدة خديجة جداً. الحب مش حرام. الحرام أنه يكلمك دون معرفة أهلك أو يكلمك وأنتوا مخطوبين. أما لو متجوزين، فدي حاجة عادية جداً. هدى: يعني عادي أحب؟

ياسمين: حافظي على قلبك يا هدى. لما يتقدملك، لو في الخير واتجوزتوا، حبيه براحتك. غير كده، امنعي عنك الفتن عشان مبيقاش حرام فعلاً.

هدى: طيب، خلينا نحضر المحاضرة والسيكشن وبعدين هاروح أصلي.

ياسمين: متقلقيش، إن شاء الله خير. ربنا مش بينسي حد. هدى (بأمل): يا رب.

في مكان بعيد حيث يمكث اثنان بل مئات من الناس، لكن يوجد اثنان يتعذبان دون سبب لأنهم يصلون الفجر.

الضابط: ها يا لولو، مش عايز تقول أنت تبع جمعية مين؟ علاء (بتعب): مش تبع حد. أنا بسمع كلام ربنا وبس.

الضابط: أممم. طيب، وأنت يا حمزة مش ناوي تقول حاجة؟

حمزة (بتعذيب): والله مش تبع حد. كل اللي إحنا بنعمله أنا بنسمع كلام ربنا. واللحبة سنة. كل اللي فيها إنكم ناس كافرة.

الضابط (بعصبية): يا وائل! وائل! وائل!

وائل: أوامر يا باشا.

الضابط: هات خرطوم المياه.

وبعد ساعتين من التعذيب بالضرب والصاعق الكهربائي
واندفاع المياه في بطونهم، قرروا أن يدخلوهم الحجز ليس
للراحة، بل للتكلمة.

علاء (بتعب): حمزة، رد عليا يا حبيبي. أنت كويس؟

حمزة (ببكاء مكتوم): آه يا علاء.

علاء (بدموع): أنا آسف يا حمزة، أنت جيت هنا بسببي.

حمزة: لا يا علاء، متعتذرش. أكيد ربنا ليه حكمه في كده.
ثم فتح الباب ليعلن وصول محتجز جديد، لكن حالته كانت
صعبة للغاية.

علاء: أنت كويس؟

الرجل (بتعب وبكاء): أنا تعبان، تعبان أوي. اتعذبت من
غير سبب. بقول للضابط عايز أصلي. قالي: "صليلي." أنا
حسبي الله ونعم الوكيل. أنا تعبان، جسمي واجعني.

حمزة (ببكاء على حالته): معلش، ربنا قادر على الظالمين.
ربنا يفك كربك وكربنا يا رب.

علاء (بدموع): يا رب.

مروة (ببكاء): هاها يا جاسر، علمت إيه؟

جاسر (بحزن): زي كل مرة يا مروة، الكل بيقولني كان
نفسي أساعدك، بس مش عارف.

ثم نظر لها وقال: "اهدئي بالله عليكي يا مروة. متبقينش أنت وعيالك، اطلعي ارتاحي شوية وربنا يفرجها."

مروة: حاضر يا أبو علاء. ثم...

- "جاسر، أنا عرفت مين هيساعدك."

جاسر: مين؟ مين؟ وأنا أروح حالاً.

مروة: أخوك سيد.

جاسر (بحزن): سيد بعد اللي عمله معايا؟

مروة: معلش، عشان عيالنا.

جاسر: انسي يا مروة، لا.

مروة (ببكاء): عشان خاطري كلم أخوك. أنا عايزة عيالي.

جاسر (بضيق): ما أنا كمان عايز عيالي، بس لا بعد اللي عمله فيّ. مستحيل أكلمه.

مروة (بصراخ): هو إيه اللي مستحيل؟ ليه مستحيل يا

جاسر؟ كل ده عشان أكل ورتك؟ الله يسامحه. أنت بدأت من الصفر لحد ما كبرت وكبرت شركاتك. يعني مش محتاج.

جاسر: طب، اهدي اهدي. طيب، بس تفتكري هيساعدنا؟

مروة (ببكاء): جرب، جرب، وربنا مش بينسي حد. وإحنا

عيالنا مبيعرفوش يعملوا حاجة غلط. هما بيسمعوا كلام ربنا.

جاسر: إن شاء الله خير.

قال يونس بن خباب: قال لي مجاهد: "ألا أنبئك بالأوَّاب

الحفيظ؟ قلت: بلى. قال: هو الذي يذكر ذنبه إذا خلا فيستغفر

الله منه."

هدي: الحمد لله، صليت صلاة الحاجة وقيام الليل. هقعد بقى
 أقول دعاء سيدنا يونس وأدعيه.
 عبير: بتقولي حاجة يا هدي؟
 هدي: لأ يا عبير.
 عبير: طيب.
 هدي: مالك يا عبير؟
 عبير: مفيش حاجة يا هدي، أنا كويسة، الحمد لله.
 هدي: لأ، في حاجة.
 عبير بتردد: هقولك بس سر بينا.
 هدي: أكيد، قولي بس.
 عبير: بصي...
 هدي بفرع: إيه؟ أنتي كمان؟
 عبير باستغراب: أنا كمان إيه؟
 هدي بتوتر: هال... لأ، مفيش. بصي، قومي صلي وادعي له،
 ربنا يتولاه.
 عبير: يا رب.

جاسر: ألو، إزايك يا سيد؟
 سيد: أهلاً أهلاً، جاسر باشا بجلالة قدره بيتصل! ههههه، لا
 مش مصدق.

جاسر: سيد، محتاجك في حاجة مهمة.

سيد: أه، قول كده. ممم، اتفضل.

جاسر بضيق: لولا أنك أخويا وعم ولادي وظابط أركان حرب، مكنتش اتصلت عليك. بس أنا في مشكلة كبيرة.

سيد: خير يا جاسر، اخلص.

جاسر: _____

سيد: ممم، والمطلوب مني أخرجهم صح؟

جاسر: أيوه.

سيد: وده كله مقابل إيه؟

جاسر: مقابل؟ مقابل إيه؟ هما مش دول ولاد أخوك؟

سيد: أه، ولاد أخويا، ولاد أخويا اللي كانوا عايزين ياكلوا ورثي صح؟

جاسر بعصبية: أنا عيالي مش بياكلوا ورث حد! دا ورثي وأنت اللي خدتوه!

مروه: مش وقته يا جاسر، عيالنا أهم.

جاسر: طيب طيب، شوف أنت عايز إيه.

سيد: نص مليون على كل واحد.

جاسر بضيق: يعني مليون جنيه؟

مروه بدموع: مش مشكلة، معلى، عيالنا.

جاسر: موافق.

سيد: حلو أوي، عيالك هايباتوا في حضنك الليلة، باي يا أخويا.

جاسر وهو يلقي الهاتف: بني آدم مستفز.
 مروه بلهفة ودموع: ها، قالك إيه؟
 جاسر: إن شاء الله جايين النهاردة.
 مروه بفرح: يا رب.

عبدالله: أومال فين مصطفى؟ مش هيتعشى معانا؟
 عفاف: أنا قولت له بييجي، قال لي ثواني وخارج.
 عبدالله: قوم يا أحمد هاتوا عشان ناكل.
 أحمد: حاضر يا بابا.

ثم ذهب إلى غرفة أخيه وهو يطرق الباب.
 أحمد: مصطفى، مصطفى.

لا رد، ثم طرق مرتين وأيضاً لا رد. فتح الباب، ثم رأى
 مصطفى قد قطع شريان يده.

أحمد بفزع: بابااااا، يا بابااااا!

قاموا جميعاً في حالة من الرعب، وعندما وصلوا فزعوا
 جميعاً مما رأوا.

عفاف ببكاء: لبييه؟ ليه يا بني تعمل فينا كده؟ ليه؟
 هدي ببكاء: يا مصطفى، متسبنيش.

عبدالله: يلا على المستشفى، يلا.

مروه: ها، يا جاسر، وصلوا؟

جاسر: لسه يا مروه، اهدي.

مروه: يا رب يوصلوا بسرعة، يا رب.

جاسر: يا رب، إيه ده؟ تلفوني بيرن. هاتي يا مروه.

مروه بلهفة: دا سيد، رد، رد بسرعة.

جاسر: ألو، إيوه يا سيد.

سيد بتشفي: هاصبر عليهم يوم كمان.

جاسر: طب ليه؟

سيد بحقد: عشان أخذ حقي من عيالك، وكمان هتزود فلوس.

مش هاجيبها لك كده.

جاسر بعصبية: هات لي عيالي، وأنا هديك اللي أنت عايزه.

سيد بضحك: ههههههههه، عيشت وشوفتك مزلول ليا يا

جاسر.

مروه بفرع: جاسر، مالك يا جاسر؟ الحقوني! هاتوا

الإسعاف!

حمزة: هاموت، هاموت يا علاء، مش قادر، جسمي مفيهوش

حثة سليمة.

علاء ببكاء وهو يأخذه بين أحضانه: يا رب، هو علينا. يا

رب، أنا هقدر أستحمل. هو لاء، أنا متعود. يا رب، هون

عليه وعليا. يا رب.

عفاف: ها يا بنتي، طمنيني بالله.

المرضة: ادعوا له، الحالة حرجة جداً لأنه نزف دم كثير.

عبير ببكاء: يا ارب، يا رب، أنا تعبانه يا رب.

هدي ببكاء: تعالي نصلي يا عبير، وندعي له. قومي يلا يا

ماما، يلا أحمد خليك مع بابا.

مروه: طمني يا دكتور.
الدكتور: ما أخبش عليك يا حاجة، وضعه خطير ودخل في غيبوبة.

مروه بفرع: غيبوبة؟ غيبوبة إيه؟ طب وهيفوق إمتي؟
الدكتور: العلم عند الله، ممكن أسبوع، شهر، اتنين. دي حاجة في علم الله. ادعوا له.

سيد: إزايك يا مروه؟
مروه بقرف: و عليكم السلام.
سيد باستفزاز: مالك بتقولها بقرف ليه كده؟
مروه: عايزني أرحب بيك إزاي وانت دخلت جوزي في غيبوبة ورامي عيالي في أمن الدولة ها؟ رد عليا إزاي؟
سيد بضحك: ومش هخرجهم يا مروه، مش هيخرجوا يا غالية. وخلي جوزك في غيبوبة، ماهو بيصرف ويأكل ويشرب وبيتعالج بفلوس حرام.

مروه بعصبية: اخرس، فلوس مين اللي حرام؟ ده أنت اللي واكل ميراثه من أبوه وكفاية إن بينك وبين نفسك إنك عارف ده وعارف إنك بتاكل حرام في حرام! امشي! امشي من هنا! امشي يا واكل حق أخوك! حسبني الله ونعم الوكيل.
هدي: إيه الزعيق ده؟ تعالوا نشوف.
عفاف: مالك يا حاجة؟ في إيه؟

مروه بدموع: خلي الراجل ده يمشي من هنا، خليه يمشي لو سمحتي.

عبير: اتفضل يا أستاذ، بعد إذناك اتفضل.

سيد: ماشي، ماشي يا مروه، بس ليكي راجل يترد عليه، ثم أمسكها من معصمها وقال: بس ورحمة أبويا ما هبص لعيالك اللي مرمين هناك.

عبير بعصبية: شيلي إيدك من عليها! أنت مش خايف ربنا وأنت ماسك واحدة تحل ليك كده؟ مش خايف من عقاب الله ليك؟ امشي!

عفاف: تعالي تعالي يا حجة، ارتاحي هنا. مين ده؟ مروه ببكاء: ده أخو جوزي، واكل حقنا وسكتنا. عيالي مسجونين وهو في إيدو يخرجهم ومش راضي.

عفاف: طب اهدي يا أختي بالله عليك اهدي. هدي: طنط، أنا عندي عم في الشرطة، ممكن أكلمه وحضرتك تفهميه، يمكن يساعداك.

مروه بفرح: بجد يا بنتي؟ بجد؟

عفاف: أيوه، صحيح. كلمي أبوكي يكلم عمك يا عبير، وإنتي يا حجة تعالي معايا أنا وهدى نصلي وندعي ربنا يقوملي ابني بخير ويقوملك جوزك بالسلامة.

مروه: أنا بشكركوا أوي، شكراً ليكم. مش عارفة أقولكوا إيه والله. وقفتوا جمبي وخدمتوني خدمة مقدرش أردھا في حياتي.

هدي: صلي على النبي بس وتعالى يلا نصلي.
 عبير: بابا؟
 أحمد بفرح: أخوكي فاق يا عبير، فاق! تعالى.
 عبير بفرح: بجد؟ هو فين؟
 عبدالله بفرح: اللهم لك الحمد في الأوضة دي يا بنتي.
 دخل الجميع تحت بكاء.
 مصطفى بعصبية: ليه أنقذتوني؟ ليه؟ سييوني أموت، مش
 عايز أعيش!
 أحمد: اهدي يا مصطفى، اهدي يا حبيبي، في إيه؟
 عبير بفرح: أنا هاجيب الدكتور! يا دكتور! يا دكتور! الحقنا!
 الدكتور: في إيه؟ إيه ده؟ يا ممرضة، هاتي حقنة مهدئة
 بسرعة! يلا.
 مصطفى بصراخ: سييوني أموت، مش عايز أعيش،
 سييوني!
 الدكتور: اتفضلوا يا جماعة، أخرجوا.
 هدي: اتفضلي يا طنط، أنا هاوصلك. وانتى يا ماما روجي
 لمصطفى.
 عفاف: ماشي يا بنتي.
 عبير وهي تلتقط أنفاسها بصعوبة: ماما، يا ماما!
 عفاف: إيه يا عبير؟ بتجري ليه؟ مالك؟
 عبير: مصطفى فاق، بس حصل...
 مروه: لا إله إلا الله، روجي، روجي حجة، شوفيه.

عفاف: ماشي، خليك مع هدي يا عبير، وأنا هبقى أكلم أبوكي.

عبير: ماشي يا ماما.

علاء: حمزة، يا حمزة!

حمزة: إيه يا علاء؟

ساكت ليه؟ طمني عليك.

أنا تعبت يا علاء، ومش قادر أصرخ ولا أعمل حاجة.

علاء: تعالي، تعالي، نام على رجلي.

حمزة وهو يلقي برأسه على قدم علاء: أنا تعبت خلاص،

مش قادر تاني. طول عمري بسمعك وانت بتتكلم عن اللي

بيحصلك، ببقى موجه من جوايا عليك. دلوقتي الوجع

كبير. الوجع مش في جسمي، هو في قلبي عليك وعليا،

وعلى أبويا وأمي اللي معرفش عنهم حاجة.

علاء: بس يا حمزة، بس، اهدي، متتعفش نفسك أكثر.

حمزة: أنا هنام، أنا تعبان مش قادر.

علاء: يبقى أحسن، ريح نفسك.

ثم نظروا إلى الباب الذي يفتح بقوة ويدخل الضابط وهو

يجذب حمزة بشدة ويقول: تعال!

عفاف: هو إيه اللي حصل له؟ ليه عمل كده؟

عبدالله: الدكتور قال إن دي حالة نفسية ولازم يروح لدكتور

نفسى.

عفاف: لا إله إلا الله، اللهم أجرني في مصيبتني واخلف لي خيراً منها.

عبدالله: يا رب.

أحمد: هدي وعبير فين؟

عفاف: آه، صحيح. عبدالله، في واحدة حصل معاها...

عبدالله: لا إله إلا الله.

عفاف: إحنا بقى محتاجين مساعدة من أخوك فتحي.

عبدالله: يخرجهم يعني؟

عفاف: الله ينور عليك! إحنا هانروح للست، وأنت اتصل

على أخوك وهي تفهمه.

عبدالله: ماشي، ربنا يقدم اللي فيه الخير.

عفاف: روحوا يا بنات، أحمد هناك مع مصطفى.

عبدالله: طيب، فهميني بقى يا حجة، في إيه؟ وأنا هتصل

بأخويا.

مروة: والله أنا بشكرك على اللي حضرتك هتعمله معايا أنا

وعيالي.

عبدالله: الشكر لله يا حجة، اتفضلي التليفون مع حضرتك،

اهو كلميه.

مروة: السلام عليكم ورحمة الله، حضرة الطابط فتحي.

فتحي: وعليكم السلام ورحمة الله. أيوه، بصي يا حجة، أنا
 فهمت الحكاية، بس عايز أسمع منك أكثر.
 مروة: القصة كلها إن...
 فتحي: تمام، أنا هتصرف.
 مروة بدموع: بجد! جزاك الله كل خير، بجد! طيب، حضرتك
 هتاخذ كام؟
 فتحي باستغراب: كام إزاي؟ مش فاهم.
 مروة: الفلوس.
 فتحي: لأ، أنا مش باخد حاجة زي كده.
 مروة بدموع: والله، بجد مش عارفة أقولك إيه. شكراً أوي،
 كتر خيرك.
 فتحي: لا، شكر على واجب، الشكر لله يا حجة.

مصطفى: أنا فين؟
 أحمد: أنت في المستشفى.
 مصطفى: ليه؟ أنقذوني؟
 عبير: أنت عبيط يا مصطفى! يعني إيه أنقذوني؟ ليه أنت
 حتة مننا، عايز تسيبنا؟
 مصطفى بدموع: أنا مش عايز أعيش.
 أحمد: ليه بس كده يا حبيبي؟ ربنا يدك طول العمر.
 مصطفى ببكاء: كلهم سابوني، حتى البنت اللي حبيتها
 سابتنى.

هدي: إحنا معاك يا مصطفى.

عبير: يا حبيبي، لازم تعرف إن مفيش غلط بيكمل، ومفيش ذنب بينتهي بفرحة. أنت أذنبت.

مصطفى: أذنبت عشان حببت.

عبير: لأ، مش عشان حببت. عشان عملت حرام. أنت كلمتها من ورا أهلها، ومسكت إيديها. مش ده حرام؟ وكمان اللي عملته ده حرام، كأنك بتقول لربنا: "أنت مش قادر تعمل حاجة."

مصطفى: استغفر الله العظيم. طب أعمل إيه؟

أحمد: مبدئياً كده، مفيش راجل بيلبس سلاسل زي اللي أنت لابسها دي. كمان عايزين نربط الصلاة عشان ربنا يغفر لك، وتبقى ضامن الجنة بيها.

هدي: وربنا هيعوضك بواحدة تحبك في الحلال. ومتعملش اللي عملته ده تاني. ما تكلمش بنات تاني، وشوف صحبة صالحة تمشي معاهم، وتشجعك دايماً.

مصطفى: أنا آسف يا هدي، حقا عليا إني كنت بنتقدك أنت وعبير. أنا آسف أوي.

عبير: يا حبيبي، ولا أسف ولا حاجة. أنت بس قوم بالسلامة كده، وارجع زي الأول، وأحسن كمان.

مصطفى: أنا آسف يا أحمد إني كنت بقول عليك شيخ بلحيتك دي.

أحمد بمرح: يا أخي، اتنيل! هو حد يطول يبقى شيخ؟

عفاف: حمد الله على سلامتك يا بني.
مصطفى: الله يسلمك يا ماما.
عفاف بعتاب: كده تعمل كده فينا؟
أحمد: خلاص يا ماما، بقى مش وقته.
هدي: عملتي إيه يا ماما مع طنط مروة؟
عفاف: الحمد لله، كلمنا عمك، وهو قال هيتصرف. وجوزها
كمان الحمد لله فاق من الغيبوبة.
عبير: والله.
مصطفى: طنط مروة مين؟
هدي: بعدين يا مصطفى، هبقى أقولك.
حمد الله على سلامتك يا جاسر. تفوهت مرة بهذه الجملة.
جاسر بتعب: الله يسلمك.
مروة: عيالنا هايباتوا في حضنك الليلة.
جاسر: إزاي؟ معقول سيد اتطوع، وهيجيب عيالي؟
مروة: سيد، سيد مين؟ سيد جه اتخانق معايا هنا يا جاسر، دا
في ناس الله يبارك لهم في عيالهم، يا رب، كانوا معايا هنا
لما سيد كان بيزعق، ووقفوا جمبي، وخدموني خدمة عمري
ما هنساها.
جاسر: احكيلي إيه اللي حصل بالظبط، وإيه حكاية الناس
دي؟ وشوفيلي الدكتور، أنا لازم أروح البيت.
مروة: حاضر، حاضر.

وائل: علاء، جاسر، وحمزة، جاسر تعالوا.
 علاء: قوم يا حمزة.
 حمزة: مش قادر، أنا مفيش نفس، أقوم، دول خدوني،
 عدموني العافية.
 علاء: أسند عليا، إن شاء الله هانتخرج، تعالي.
 وائل: اخلصوا.
 الظابط: جالكم واسطة من حظكم الحلو، هاتخرجوا.
 علاء: اللهم لك الحمد كما ينبغي لجلال وجهك وعظيم
 سلطانك.
 الظابط: لولا أن متوصي عليكم، كان زمانكم مشرفين.
 فرج.. يا فرج.
 المدعو فرج: أيوه يا باشا.
 الظابط: أدي للبشوات هدومهم عشان يتفضلوا.
 فرج: حاضر يا باشا.

جاسر: ها، يا مروة، الست اتصلت بيكي؟
 مروة بفرح: أيوه يا حبيبي، اتصلت وقالت إنهم في السكة.
 ربنا يرجعهم بالسلامة، يا رب.
 جاسر: يا رب، طب جهزي لهم الأكل، يلا بسرعة.
 مروة بابتسامة: عنيا حاضر.

حمزة: الله يسلمك يا بابا، بعد إذنكم، هطلع أرتاح شوية
عشان تعبان.

ثم تركهم يرحبون بعلاء وذهب إلى غرفته.
حمزة يبكاء: يا رب، مش قادر حتى أنام. استغفر الله العظيم.

عفاف: إزيك يا حجة، عاملة إيه؟ عيالك وصلوا ولا لسه؟
مروة: أيوه يا حبيبتى، وصلوا من شوية، تسلمي يا رب على
سؤالك، مش عارفة أرد لكم الجميل ده إزاي والله، رجعت
لي عيالي لحضني تاني.

عفاف: ياختي خلاص، إحنا بقينا أكثر من أخوات، ربنا يديم
اللي بيننا، بركة إن عيالك رجعوا تاني، هما عاملين إيه؟
مروة (بحزن): الحمد لله، بخير.

عفاف: مالك يا مروة؟
مروة: زعلانة أوي على عيالي يا عفاف، شكلهم تعبان أوي.
عفاف (بحنان): معلىش يا حبيبتى، من اللي شافوه هناك، بس
الحمد لله إنهم رجعوا.

مروة: الحمد لله.

جاسر: مين اللي كان على التليفون يا مروة؟

مروة: دي صاحبتى اللي خرجت عيالنا.

جاسر: آه، ابقى قوليلها إنها معزومة عندنا بكرة.

مروة: حاضر، هاتصل عليها تاني.

أحمد: ها يا مصطفى، هتعمل إيه؟

مصطفى: الأول عايز أصفي خالص مع صحابي اللي معايا، سواء ولاد أو بنات، وعايز أغير من طريقة لبسي، البناتيل المقطعة والشورتات اللي عندي، عشان مبقاش السبب في فتنة حد من البنات أو حد من الشباب يقلدني.

أحمد (بابتسامه): كويس، وبعدين؟

مصطفى: ولا حاجة، بس عايز أظبط صلواتي لأنني مقصر في حق ربنا أوي، أنا...

أحمد (وهو يربت على كتفه): فاهمك يا مصطفى، متقلقش، أنا هتولى أمر الصلوات وهخدك معايا، وأكسب فيك ثواب يا بني! (يضحك)

مصطفى (بابتسامه): طب برّه بقى، يلا!

أحمد (ضاحكًا): هههه خلاص، خلاص، خرينا نكمل، وهتعلم إيه تاني؟

مصطفى (بفكر): تليفوني... عايز أخليه زي ما يكون جديد، لأن اللي عليه مينفعش يكون على تليفون واحد مسلم.

أحمد: تمام، برده سيبها عليا، ليا واحد صاحبي بي فهم في التليفونات، هخليه يفرمتهولك.

مصطفى: بس كده خلاص.

أحمد: طب وموضوع الدكتور النفسي؟

مصطفى: سيبك منه، أنا هقرب من ربنا وخلاص.

أحمد: آه، القرب من ربنا راحة، بس ربنا خلق الداء والدواء، قرب من ربنا براحتك بس تتعالج برده.

مصطفى: مش عايز أروح يا أحمد، مش عايز.
أحمد: طيب، إيه رأيك تجرب؟ جرّب، مجرد تجربة يعني،
مش هتضرك.

عفاف: الست عزمانا يا عبدالله، يعني أقولها إيه؟
عبدالله: قوليلها إن في عريس متقدم لعبير، وإننا مش هنعرف
نيجي.

عفاف (بعتاب): هكذب يا عبدالله؟
عبدالله (بلوّم): ومين قالك إنك هتكذبي يا فوفة؟
عفاف: يعني إيه؟
عبدالله: يعني في عريس متقدم لعبير.
عفاف: مين ده؟ تعرفه؟
عبدالله: الدكتور اللي كان في المستشفى، اللي كان بيعالج
مصطفى.

عفاف: طب وعبير عرفت؟
عبدالله: البركة فيكي يا أم عبير.

مروة (بفرح): ألف مبروك يا حبيبتي، ربنا يتم بخير يا
رب، بس برده لازم تيجوا.
عفاف: إزاي بس؟
مروة: هو جاي إمتي؟
عفاف: الجمعة.

مروة: طيب، تعالوا أي يوم قبل الجمعة.
 عفاف: يادي الغلبة! طيب، هاشوف كده وأرد عليكى.
 مروة: مستنياكى يا حبيبتى، سلام عليكم.
 عفاف: وعليكم السلام.

علاء: آه، جيت امبارح، يا ياسين، إنت عامل إيه؟
 (ياسين هو صديق علاء المقرب)
 ياسين (بحنان): حمد لله على سلامتكَ يا حبيبي، أنا مكنتش
 كويس، بس لما سمعت صوتك بقيت كويس.
 علاء: الحمد لله، عدت على خير.
 ياسين: الحمد لله، وحمزة عامل إيه؟
 علاء (متنهدًا بحزن): مش كويس، مش كويس خالص من
 اللي شافه.
 ياسين: ربنا يهون عليه يا رب.
 علاء: يا رب... أنا هقفل دلوقتي، هاروح أشوفه، ولازم
 نتقابل أنا وأنت.
 ياسين: أكيد طبعًا، بإذن الله، يلا مع السلامة.
 علاء: مع السلامة.

علاء: حمزة، رد عليا.

حمزة (وهو يضم ركبتيه إلى صدره، مشبكًا يديه حول قدميه): مش عايز أتكلم يا علاء، سييني لو حدي.
علاء: يا حبيبي، طب طمّني عليك.
حمزة (بجفاف): كويس.
مروة (بحنان): إيه يا حبايبي، عاملين إيه؟
علاء: الحمد لله.
مروة: طب الحمد لله، عندنا عزومة يوم الاثنين الجاي.
علاء (باستغراب): مين دول؟ مين اللي جاي؟
مروة: الناس اللي حكيت لك عنهم.
حمزة: مين دول؟
مروة: تعالَ كُل، وأنا هاحكيلك، يلا.
حمزة: مليش نفس، ولو على الناس، أنا كده كده مش عايز أقابل حد.
علاء: يعني هتوقف حياتك يا حمزة؟ اللي حصل حصل، وأكيد ربنا ليه حكمة في كده.
حمزة: الحمد لله.
مروة: طب يا حبيبي، تعالَ كُل عشاني، أبوكم مستنينا تحت، يلا بقى.

"الصلاة هي صلتك بربنا، حافظ عليها مهما كانت أحوالك."

وبعد عدة أيام

مروه بترحاب شديد: منورين يا حبايب قلبي، اتفضلوا.
 جاسر: أهلاً وسهلاً، اتفضلوا.
 عبدالله بابتسامة: السلام عليكم.
 جاسر وهو يبادلُه بابتسامة واسعة: و عليكم السلام ورحمة
 الله، اتفضل، تعالَ هنقعد لوحدنا، والحريم لوحدهم.
 عبدالله: تمام، اتفضل.
 مروه: إزيك يا عبير؟ ألف مبروك يا قلبي، ربنا يتملك على
 خير.

عبير: شكراً يا طنط، جزاك الله كل خير.
 مروه: تعالي يا هدى، تعالي يا حبيبتي في حضني، إزيك؟
 هدى: بخير يا طنط، طول ما حضرتك بخير.

عبدالله ضاحكاً: ههههه، الله يجازيك يا جاسر، بقى أنت اللي
 كنت بتقعد في الدكة الأولى قدامي! مش معقول.
 جاسر ضاحكاً: آه والله يا عبدالله، وأنت مكنتش بتبطل
 ضرب، لما قفايا كان بيورم! ههههه.
 عبدالله: يااااه، أيام يا حج! نفسي ترجع والله.
 جاسر: معاك حق، بس مش عايز أتضرب تاني! ههههه.

عبدالله: ياخويا بس ترجع! ههههه.
 جاسر: عندك حق، ههههه، ثواني يا حج، هطلع أنده لولادي.
 عبدالله: آه طبعاً، اتفضل.
 جاسر: بعد إذناك.

علاء: يا بني، أبوك هايطلع يهزقنا، يلا البس!
 حمزة: مش نازل، مش عايز أقابل حد ولا أشوف حد، ابعده
 عني بقى!
 جاسر: إيه ده؟! أنت لسه ملبستش يا حمزة؟ إزاي ده؟ الناس
 تحت!

حمزة: مش عايز أنزل يا بابا، أنا آسف.
 جاسر وهو يجلس على طرف فراشه: بص يا حمزة، أنا
 عارف إن اللي أنت شوفته صعب، بس لازم تكمل حياتك،
 أنت مش هتوقفها على كده.
 علاء: بابا عنده حق يا حمزة، هو أنت لما بتتفرج على فيلم،
 لما بتيجي حته بتزعلك بتوقف الفيلم، ولا بتكمل عشان
 تشوف النهاية اللي هتفرحك؟ ما توقفش حياتك على حاجة
 حصلت، واستنى العوض والجبر من ربنا.
 جاسر: قوم يا حبيبي، البس.
 حمزة: حاضر.

مروه: ده أنتِ طلّعتي نفسك في الأكل حلو يا عبير!

عبير: تسلميلي يا طنط، ربنا يبارك فيكِ.

مروه بمرح: بت يا هدى، أنتِ دخلتي هرتي يا بت! ههههه.

هدى: ههههه، أنتِ اللي دخلتي هرتي، أقسم بالله!

مروه: وأنتِ بقى بتدرسي إيه يا هدى؟

هدى: كلية التجارة.

مروه: إيه ده؟ زي حمزة ابني!

هدى: والله؟! ثم تفاجأت: إيبيه؟!

مروه: إيه؟!

هدى: لا، ولا حاجة.

ثم قالت بتفكير: "ابنها اسمه حمزة، وكان محبوس، وفي نفس كليتي؟ لا، أكيد مش اللي في بالي، أكيد تشابه أسماء ومواقف."

ثم استفاقت على صوت مروه وهي تقول: وأنتِ بقى يا عبير، بتدرسي ولا خلصتي؟

عبير: أنا خلصت من زمان، كنت في كلية آداب قسم لغة عربية، ودلوقتي بشتغل في مدرسة.

مروه: يا محاسن الصدق والله، إيه ده؟!

عفاف: إيه؟ في إيه؟

مروه: أصل علاء ابني برضو كان في نفس الكلية بتاعتها، وبرضو بيشتغل في مدرسة!

عبير: إيبيه؟! ثم نظرت إلى هدى.

عبير: لا، في حاجة! مالك؟ وليه لما طنط مروه قالت على حمزة ابنها اتفاجأتي؟

هدى: مفيش، أصل الحكاية زيك بالظبط، بس مش متأكدة.

عبير: إيه؟! والله العظيم يعني حمزة وعلاء إخوات وكانوا محبوسين أمن دولة؟!!

هدى: الله أعلم.

عفاف: يلا يا بنات، تعالوا.

هدى: طيب، يلا ندخل يا عبير، وفكي كده عشان محدش ياخذ باله.

عبير بسخرية: وأنتِ كمان يا أختي؟!!

جاسر: اتفضلوا يا جماعة، تعالوا.

علاء: الرجالة في مكان يا أبي لو سمحت، والحريم ف...

صمت علاء بتفاجؤ من عبير، وعبير نفس الشيء، ولكن يوجد ثنائي آخر اتسعت أعينهما من شدة الصدمة.

مروه: إيه يا جماعة؟ في إيه؟

عفاف: يلا يا بنات، في إيه؟

هدى وقد استفاقت من شدة صدمتها على شكل حمزة

المتعب: ها؟! إيه يا ماما، يلا.

جاسر: خديهم يا أم علاء على أوضة السفارة، وإحنا هندخل

الأوضة الثانية.

مرت الأيام بعدم ذهاب هدى إلى الكلية، وكان حمزة ينتظرها ولا يجدها في كل مرة، فقصّ عليه صديقه إبراهيم ما حدث من هدى، حتى أثار دهشة حمزة. أما علاء، فذهب إلى الكلية ليقدم أوراقه للعودة إلى تقديم رسالته، ولم تغب عن عقله أبداً.

عفاف: ها يا عبير، جهزتي؟ الدكتور على وصول.
 عبير: أه يا ماما، بس مش حاسة إني عايزة أخرج.
 عفاف بعصبية: بت! أنتِ في إيه؟ من ساعة ما كنا عند مروه في بيتهم، وأنتِ متغيرة، ومش عايزة تروحي شغلك، ومش عايزة تقابلي الراجل! في إيه؟
 عبير باكية: مفيش يا أمي، مفيش حاجة.
 هدى: خلاص يا ماما، سيبها، وهي هتخرج.
 عفاف: طب يختي، أخلصوا، الراجل جاي.

"لا تخف من التغيير، فربما تحمل الرياح القادمة ما لم تتوقعه من الخير."

الدكتور: إزيك يا حج؟ إيه أخبارك؟

عبدالله: الحمد لله يا دكتور، في زحام شديد من النعم العظيمة، اللهم لك الحمد.

الدكتور: الحمد لله.

عبدالله: بسم الله نبدأ الكلام بالصلاة على النبي عشان يباركلنا في القعدة.

الدكتور بابتسامة: صلى الله عليه وسلم.

الدكتور: أنا اسمي آدم عبد السميع، عندي 28 سنة، متخرج من كلية الطب جامعة القاهرة، والذي متوفي، وعائش مع والدي. عندي شقة في مصر القديمة، إن شاء الله لو حصل نصيب نروح نشوفها كلنا، بس والدي هاتعيش معنا لأنني مش هقدر أسببها.

عبدالله: تمام، نشوف بس رأي عبير الأول. قوم يا أحمد هات عبير.

أحمد: حاضر يا بابا.

عبير: يا هدي مش عايزة أخرج يا هدي.

هدي: طب معلش عشانى وربك يحلها، وبعدين إنتي حاطة علاء في دماغك ليه؟ هو كان قالك حاجة؟

عبير: لا، ومش حطاه في دماغي ولا حاجة.

هدي: لو بتحبيه، ادعي ربنا بيه، غير كده متفكريش عشان متشليش ذنب أصلاً. واخرجي بقى.

أحمد: يلا يا عبير، في إيه؟

عبير بتنهيده: مفيش، يلا.

علاء: إيه يا حمزة، عامل إيه؟

حمزة: الحمد لله.

علاء بمرح: واد يا إبراهيم، خلي الواد ده ياكل الكتب، وانت كمان سمي، وكل معاه. أنا عايز درجات تفتح النفس.

إبراهيم: هههههههههه، عنيا حاضر.

علاء: حضرك الخير يا رب. أنا نازل بقي.

إبراهيم: إنت عامل إيه في شغلك صحيح؟

علاء: الحمد لله، عميد الكلية راجل محترم أوي، ومرتاح هناك.

إبراهيم: طب الحمد لله. انزل إنت بقي عشان متأخرش على ما البيه أخوك ينجز، مش كل مرة ندخل في نص المحاضرة.

علاء: هههههههههه، سلام يا أخويا إنت وهو.

إبراهيم: سلام.

حمزة بتفكير: تفكر هاتيحي؟

إبراهيم: متحطهاش في دماغك بقي، ما يمكن بتحب حد غيرك، أو مش شايفاك أصلاً.

حمزة: شكراً يا إبراهيم، اسكت.

إبراهيم: هههههههههه، طب متزعلش، بس مش ممكن يكون ده حقيقي.

محمد بتهيدة: ممكن، بس أنا عايزها.

إبراهيم: هانت يا عم، كلها كام شهر ونخلص الكلية، وأبدأ
اشتغل في شركة أبوك، وبعدين أتقدم.

حمزة بحزن: بس خايف حد يسبقني.

إبراهيم: طب إيه رأيك في قراءة فاتحة؟

محمد: ياريت.

إبراهيم: خلاص، أشطأ. أما ترجع من الكلية، ابقى فاتح أبوك
في الموضوع ده، وأفرد وشك وانت بتتكلم. ارجع حمزة
القديم اللي مش في دماغه حاجة غير رضا الله ومستقبله
بس.

حمزة بتهيدة: نفسي أرجع تاني، بس بعد اللي شوفته في أمن
الدولة، وأنا مش قادر أرجع تاني.

إبراهيم وهو يربت على كتفه: معلش يا حبيبي، خير إن شاء
الله.

حمزة: إن شاء الله. يلا ننزل.

عفاف: هدي يا هدي، قومي عشان الكلية اللي بقالك كام يوم
مش بتروحها دي.

هدي بنعاس: مش هاروح يا ماما.

عفاف: هو في إيه بجد؟ إنتوا متغيرين ليه؟

ثم اتجهت إلى غرفته عبير: عبير يا عبير، قومي عشان
الشغل.

عبير: مش هاروح يا أمي.

عفاف: ليه إن شاء الله؟
 عبير: مفيش، مفيش حاجة.
 عفاف بحدّة: أمال في إيه؟ مش عايزة تروحي ليه؟ مش
 كفاية اللي حصل إمبراح مع العريس؟
 عبير ببكاء: خلاص يا ماما بقي، خلاص كفاية.
 عبدالله: في إيه يا جماعة؟ صوتكم عالي أوي.
 عفاف بحدّة: شوف الهانم، بنتك مش عاجبها العريس وبتتأمر
 عليه، ومش عايزة تروح شغلها كمان.
 عبدالله: طيب سبوها يا جماعة دلوقتي.
 عفاف: ده بدل ما تقولها اللي هي بتعمله ده غلط.
 عبدالله: خلاص، خلصنا، أخرجوا وسيبوها.
 ثم تركوها وأغلقوا الباب خلفهم.
 (طبعاً كلنا عايزين نعرف إيه اللي حصل مع العريس.
 ارجعوا معايا كده) Flashback

عبير: السلام عليكم.
 آدم: وعليكم السلام.
 ثم صمت الجميع، قطع هذا الصمت آدم وهو يقول: مش دي
 المفروض رؤية شرعية؟ ارفعي النقاب.
 عبير بيد مرتجفة وهي ترفع النقاب: أهو.
 آدم: ما شاء الله.

عبدالله: طيب، أنا هقوم أقعد بعيد شوية عشان تتعرفوا على بعض (المفروض في الرؤية الشرعية أنهم يسيبوهم يتعرفوا على بعض بشرط أن محرم يقعد على بعد مسافة قصيرة).
 آدم: إزايك يا أستاذة عبير؟

عبير وهي تنظر في الأرض خجلاً: الحمد لله.
 آدم: طيب، عندك أي أسئلة تسألها؟ وبعدين إنتِ بصه في الأرض من بدري، مش عايزة تشوفيني؟ انتي في المستشفى كنتِ باصة في الأرض، ودي دلوقتي رؤية شرعية، يعني عادي.

عبير بخجل وهي تطلع إليه: طيب، أنا كنت مجهزة أسئلة وعايزة أسألها.

آدم بابتسامة: اتفضلي.

عبير: هو أنت بتصلي؟

آدم بحرج بالغ: أحم، آه، أيوه بصلي.

عبير: طيب، هي صلاة الفجر الساعة كام؟

آدم: نعم، إنتي بتقولي إيه؟

عبير: بسألك عشان أنا عايزة راجل ياخذ بإيدي للجنة، مش يرجعني.

عفاف وهي تجز على أسنانها: إيه يا عبير، الأسئلة دي يا حبيبتني؟

عبير: بسأل.

عفاف: طب مش كده؟

آدم: معلى يا طنط، سيببها. اتفضلى.

عبير: تعرف اسم كريستيانو بالكامل؟

آدم بدهشة: أيوه طبعاً.

عبير: طب تعرف اسم النبي كامل؟

آدم باضطراب: أيوه، محمد بن عبد الله.

عبير: كمل.

آدم: أكمل إيه؟

عبير: يعني أنت تعرف اسم كريستيانو بالكامل، واسم النبي

لا؟

آدم باحراج: لا مش كده، بس أنا يعني على طول فى الشغل،

وبعدين أنا دكتور يعني مش فاضى لأي حاجة.

عبير: مش فاضى لربنا؟ فاضى تحفظ اسم لاعب كرة ومش

فاضى تحفظ اسم النبي؟ معنى كده إنك مش بتصلى، وكمان

مفيش أذكار ولا ورد ولا قيام ليل. أنا حضرتك عندي حلم،

أن أقصى خناقة بيني وبين جوزي هي أن يفوتني قيام الليل،

فيزعق لي. وانت مش حاطط ربنا فى دماغك أصلاً.

آدم باحراج: أحم، يا أستاذة، مش كده، أنا أقصد أن أنا يعني

على طول فى العمليات وكده.

عبير: طب ولما بتخرج؟

آدم: ببقى تعبان.

عبير: يعني أنت لو وقفت تركع وتسجد لربنا، تعب عليك؟
 حضرتك أنا كل يوم في شغلي وبخرج بره الحصاة عشان
 أصلي، عشان ربنا يبارك لي في حصتي بعد إذنكم.
 ثم تركتهم ودخلت غرفتها.

Flashback

عبير بدموع: هههههههه، إيه اللي أنا عملته ده؟ صحيح، يلا
 ابن حلال ويستاهل.
 (أي بنت عايزة تطفش عريس، تعمل زي عبير، بس متجيش
 تكلمني لما تضرب بعد ما يمشي. ههههههههه)
 حمزة: بابا عايز أفتحك في موضوع كده.
 جاسر وهو يطلع إلى الأوراق أمامه: بعدين يا حمزة، أنا
 عندي شغل.
 حمزة:

حمزه: دا موضوع مهم
 جاسر: طب بسرعه

حمزه: احم بص يا حج هالله هالله ع الجد
 جاسر وما زال يطلع الي الورق: والجد هالله هالله عليه
 حمزه: ويا داخل ما بين البصله وقشرتها

جاسر: يا صلاة النبي وانتي كمان عارفه وايه كمان ياترا مين
العروسه يا سي حمزه

علاء: هدي بنت عمي عبدالله يا بابا صحبك اللي كان هنا

جاسر: الله الله وعلاء كمان عارف اطلع بره يلا منك ليه انتو
رتبتوا وجايين تعرفوني

مروه: لاء ياخويا دا انت الخير والبركه

جاسر: امم بركه وانت ايش عرفك يا بركه انت كمان أنها
هتوافق

حمزه بمرح: احنا هانروح نتقدم وبعدين ربك يفرجها يا حج
جاسر

جاسر: طيب سيوني افكر

حمزه وهو يغمز الي مروه

مروه بدلال: يعني ينفع يا جاسوره نكسر بقلب الواد لاهبل ده
حرام

علاء بحزن مصطنع: ايوه دا يتيم ولقينااه عند باب جامع

جاسر: امممم انتو اتلميتوا علي بعض واتفقتوا صح طب

يا عم حمزه هاكملك ابوها واللي فيه الخير يقدمه ربنا

حمزه بفرح: بجد يا بابا

جاسر بضحك: ايوه بس علي شرط

حمزه: ايه

جاسر: ارجع حمزه القديم

حمزه بتنهيده: أن شاء الله يا بابا ادعيلي

"الحياة قصيرة جدًا على إنك تضيعها مع ناس مش شايفين
قيمتك."

في يوم الرؤية

أحمد بضيق: سيبي يا هدي بقى، أوعي، أوفف!
حمزة: يا بركة دعائك يا مروة.

جاسر: بسم الله تبارك الله، قمر يا بنتي.

عبدالله: طب تعالوا معايا ونسيبهم يتعرفوا على بعض.
إبراهيم بطفولة: أنا قاعد.

علاء: قوم يا حبيبي، الله يهديك، تعالى.

ثم تركهم على بعد حتى يتعرفوا على بعض.
حمزة: إزايك؟

هدي بصوت خجل: الحمد لله.

حمزة: مش بتيجي الكلية ليه؟

هدي: بذاكر هنا.

وقع نظر علاء على حبيبته عبير، ثم غض بصره عنها حتى
لا يلفت النظر إليها أو إليهم.

فاطمة: تفتكروا البت هدي عاملة إيه؟

ياسمين: هايسة بس بكسوف، ههههه.

عبير بتحذير: اششش، اسكتوا خلينا نسمع.

فبالرغم من أن بيت هدي أبعد عن بيوت فاطمة وياسمين، إلا أنهم أصروا على البقاء معها حتى يخففوا الأجواء عن صديقتهم هدي.

حمزة: طيب، اسألي أي حاجة.

هدي: مش عارفة، إنت؟

حمزة: طيب، اسمي حمزة جاسر، وطبعاً زي ما إنت عارفة، أنا في كلية التجارة، عايش مع والدي ووالدتي، بس لو لينا نصيب، أنا لي شقة خاصة بيّا. أما بالنسبة للشبكة... هدي: أهم، لو سمحت، الشبكة والتفاصيل دي مع بابا مش معايا.

حمزة بابتسامة: طيب زي ما تحبي، أنا بس كنت بطمنك على مستقبلك اللي هاتعيشي فيه.

هدي: ما يهمني بيت أو شبكة أو أثاث أو أي حاجة. اللي يهمني راجل يحافظ عليا ويعاملني زي ما الرسول كان بيعامل زوجاته.

حمزة بابتسامة: صل الله عليه وسلم. شوفي، عايزة تقولي إيه؟

هدي وهي تبتسم بانتصار: هو الفجر بيأذن الساعة كام؟
عبير من الداخل: أحيه منك لله يا هدي.

- حمزة بضحك: الساعة ٤:٣٦.
- هدي بفرحة: كويس.
- حمزة بابتسامة: متقلقيش، مش بسبب فرض.
- هدي بابتسامة: الحمد لله.
- حمزة: قوليلي، أنتِ بقى صلاة العشاء إمتى؟
- هدي بابتسامة: الساعة ٨:١٠.
- حمزة: غلط، بيأذن الساعة ٨:٠٩.
- هدي باستهزاء: نعم؟
- حمزة بابتسامة انتصار تشبه ابتسامتها: ولا حاجة، بس حبيت أعلى عليكِ.
- هدي بابتسامة: طيب.
- حمزة: إنتِ لابسة زي ليه؟ هه.
- هدي بضحك: إيه الطفولة دي؟
- حمزة بضحك: أيوة، إنتِ بتقلديني ليه؟
- هدي: مش بيقلدك أصلاً، أنا كنت مجهزة كده من الساعة ١١.
- حمزة بإحراج: أحام، أنا مجهز من ١٢.
- هدي: خلاص، مش مشكلة بس ما تعملش كده تاني.
- حمزة: حاضر، خلصتني؟
- هدي: أه.
- حمزة: يلا يا بابا.
- جاسر: طيب يلا، سلام عليكم.

عبدالله: إيه ده؟ لا طبعاً، إزاي ده؟ لازم تقعدوا تتعشوا معانا.
إبراهيم: وأنا موافق.

جاسر: هههههه، يا بني اقعد في حنة.

عبدالله: والله دمك خفيف يا إبراهيم.

إبراهيم: الله يخليك يا حاج.

عبدالله: جهزوا العشاء يا عبير.

جلسوا جميعهم يتناولون العشاء مع بعضهم في جو من
المرح.

عبير: ها، إيه رأيك يا هدي؟

هدي بابتسامة: مرتاحة أوي ودمه خفيف أوي، بس لسه
هاصلي استخارة.

عبير: ربنا يتملك على خير يا رب، يا دودو.

هدي: يا رب.

مصطفى: عين العقل يا هدي.

أحمد: عين الجمل، هههههه.

عبير: اطلع بره يلا، أبو تقل دمك.

أحمد باستعطاف: أنا يا دودو دمي ثقيل.

هدي بحنان: لا يا روعي، ده إنت قمر.

مصطفى: بقولك يا هدي.

هدي: أيوة يا مصطفى.

مصطفى: هي صحبتك فاطمة دي صحبتك أوي؟

هدي بخبث: آه، ليه؟

مصطفى: لاا، عادي بسأل بس، أنا هاروح أنام، تصبحوا على خير.

أحمد: وأنت من أهل الخير.

هدى: طب إيه، حاسين باللي أنا حاسة بيه؟

أحمد بشرود: اصبروا شويه وهنلبسكم إحنا الاتنين فساتين.

هدى: بتقول حاجة يا أحمد؟

أحمد: ها؟ لا يا هدى، تصبحوا على خير.

عبير: إخوانك الاتنين اتجننوا صح؟

هدى بخبت: لا، متجننوش ولا حاجة، دول هايلبسونا فساتين قريب.

علاء وهو يقفز على الفراش بجواره: ها يا حمزة، عامل إيه؟

حمزة: الحمد لله، مرتاح.

علاء: الحمد لله.

- مش ناوي يا علاء؟ شكلك بتحبها.

علاء بشرود: أيوة، بس مش دلوقتي.

- براحتك، بس خد بالك حد ياخذها منك.

علاء: ربنا يكرمني ويسهل أموري، وأبقى أتقدم وأحبها في الحلال.

محمد: يا رب.

عفاف: ها يا عبير، صليتي استخارة؟

عبير: لأ يا ماما.

عفاف: ليه؟

عبير: مش عايزاه.

عفاف بحدة: ليه؟ إن شاء الله، ماله؟ راجل كويس ومحترم.

عبدالله: لأ، ليه يا عبير؟ ده دكتور.

عبير: يا جدعان، ده مش بيصلي.

عبدالله: لأ، بيصلي بس ساعات بيقطع عشان هو على طول في العمليات.

عبير: ماشي، بس ده مش مبرر، يبقى يصلي بعد العملية.

عبدالله بحدة: بتقولك إيه، أنا زهقت. أنا هقولهم إننا موافقين.

عبير: غصب عني يا بابا.

عفاف: هتحبيه بعد الجواز.

عبدالله: عشان أطمئن عليك وعلى اختك، أنا هبعث الرد لأبو علاء وادم.

وعلى ذكر اسم علاء، اغرورقت عينيها بالدموع.

عفاف: قوم يا حج، سيبك من البت دي.

ثم تركوها تبكي على حالها.

جاسر: مبروك يا حمزة.

حمزة بلهفة: على إيه، ها؟

جاسر ضاحكًا: إنت وقعت ولا الهوى رماك يا بن جاسر؟

حمزة: هما وافقوا؟

جاسر: أيوه، إن شاء الله، الخطوبة بعد الامتحانات بتاعتكم
 عشان ما تشغلوش نفسكم وتنسوا امتحاناتكم اللي بعد أسبوع.
 حمزة: وإيه اللي هيشغلنا بس؟ ما أنا كده كده مش هكلمها،
 لأنها لسه أجنبية عني (أجنبية يعني لسه مش مراتي).
 جاسر: عندك حق، مينفعش إنكم تتكلموا لأنها لسه مش
 مراتك، بس ده اتفاق يا بني.

حمزة بتهيدة: هيحح، خلاص ماشي.

جاسر: ابسط يا عم، كده كده الأيام بتطير.

حمزة: والله عندك حق يا أبو حمزة.

علاء: اسمي أبو علاء يا جاهل، أنا الكبير.

حمزة ضاحكًا: ههههه، إنت جيت يا كبير.

علاء: أيوه يا صغير.

حمزة: طب تعالِ أما أفرحك.

علاء: خير؟

حمزة: خطوبتي بعد الامتحانات.

جاسر: ومش إنت بس، وهدي لأ، خطوبة عبير وواحد

متقدم لها هي كمان.

علاء مصدومًا: إيه؟

حمزة وهو ينهض من المقعد بعفوية: إنت بتقول إيه يا بابا؟

جاسر باستغراب: إيه مالكم؟

حمزة: لأ، مفيش.

علاء بوهن: إنت عرفت منين؟

جاسر: عبدالله كلمني وقال لي، ومراته كلمت أمك وقالتها
عن موضوع عبير.

علاء: طيب، مبارك يا حمزة، بعد إذنكم.

جاسر: مالو ده؟

حمزة: ولا حاجة يا بابا.

جاسر: طيب، أنا نازل، أمك تحت، عملت لي قهوة زمانها
بردت.

حمزة: اتفضل.

ثم تركه ونزل للأسفل، أما حمزة ذهب لعلاء.

حمزة: عل...

علاء: سيبي لوحدي يا حمزة، أنا مش عايز أتكلم.

حمزة بحزن: ربنا يهون عليك.

مرت الأيام والشهور، وانتهت الامتحانات، وجاء اليوم
الموعد، يوم خطبة كل من هدي وحمزة، وكانت سعادتهم
غامرة. أما عبير وآدم، فكانت سعادة آدم تكفي، لأن عبير
النقاب يخفي ما وراءه من حزن وبؤس ويأس.

حمزة: مبارك يا دودو.

هدي: بارك الله لنا، بس بلاش دودو دي، إنت مش جوزي.

حمزة بإحراج: عندك حق... بس فكرة كويسة أوي إننا
نفصل بين الرجالة والستات.

هدي: أيوه، دي فكرة عبير، بجد عجبتي أوي، وخصوصًا البنات صحابي وصحابها اللي عملوا الفرح بالإنشاد وسكتوا الأغاني.

حمزة: أيوه، ربنا يبارك فيهم، بجد الفكرة عجبتي أوي، وهعملها يوم فرحنا.

هدي بابتسامة خجل: قول بإذن الله.

ياسمين بصعوبة تنفس: يالهوي، الصندوق إيه ده؟ مش قادرة أشيل، يا حزني!

أحمد مبتسمًا على طفولتها: هاتي أشيلها.

ياسمين من خلف الصندوق، فهي قصيرة والصندوق أكبر منها: مين؟

أحمد ضاحكًا: أنا أحمد، أخو هدي. هاتي الصندوق.

ياسمين: شكرًا ليك أنا...

لم يعيرها انتباهًا وأخذ من بين يديها الصندوق.

أحمد: تقيل عليك، شيلي حاجة على قدك.

ثم تركها ورحل.

ياسمين بغضب: هو إيه ده بقي؟ ده بيسخر مني ولا إيه؟ هو

بيسخر ولا بينام بدري؟ ههههه. ولا عسل يا فواز؟ عسل.

فاطمة: منك لله يا هدي، يا بنت أم هدي، جيباني أحضر

خطوبتك ولا أكنس الأوضة عشان تتعشي إنتِ وخطيبك؟

ثم قامت مرة واحدة لتصدم بمصطفى.

فاطمة وهي تستدير: آه، يا عمود الخرسانة، إنت يا... لم تكمل كلامها حتى وجدت مصطفى خلفها يقول: أنا اللي عمود خرسانة ولا إنتِ اللي مش بتبصي قدامك؟ خبطي فيا ووجعتي بطني! إنتِ إيه؟ ده إنتِ غبية.
فاطمة بحدة: وأنا أعملك إيه؟ أنا مدياك ضهري، إنتِ جاي بوشك، يبقى مين فينا اللي غبي؟ أنا ولا إنتِ؟
مصطفى: طب يلا يا شاطرة، وسعي كده، أنا جاي أخذ أطباخ.

فاطمة بصدمة: شاطرة؟ إنتِ شايفني بضافير قدامك؟
مصطفى باستفزاز: طب وسعي يا عسل، خليني أخرج.
ثم تركها وهو يضحك عليها، بينما فاطمة كانت تتميز من الغيظ.

ياسمين: مالك يا بت؟ الواد أخو هدي ده اللي اسمه مصطفى، عيل بارد. أنا يتقال لي "يا شاطرة" و"يا عسل".
ياسمين: هو قالك كده؟

فاطمة: آه... وانتي مالك مولعة ليه كده؟
ياسمين بنبرة تشبه البكاء: أصل أخو هدي اللي اسمه أحمد، عيل بارد. تخيلي يقولي "شيلي حاجة على قدك" وأنا كنت شايلة صندوق البيبسي.
فاطمة: هو قالك كده؟
ياسمين: آه.

فاطمة بنبرة تشبه البكاء: الله يسامحهم والله. هه.

سمح عبدالله وجاسر لحمزة وهدى وعبير وآدم بالخروج
سويًا.

آدم بفرح: مبارك يا عبير.

عبير: الله يبارك فيك.

آدم: بس إيه حوار الخطوبة من غير الأغاني دي؟

عبير: خطوبة إسلامية، وكمان الفرحة هيبقى كده.

آدم: إزاي يعني؟ لأ طبعًا! أنا بس وافقت عشان أفرحك، أما
يوم الفرحة ده ليلة العمر، مستحيل أوافق.

عبير: يعني إيه ليلة العمر؟ هو عشان يوم يبقى نغضب ربنا،

نشغل أغاني؟ وستات ورجالة مع بعض؟ أنت بتعمل زي

الناس وخلص، مش مهم ده صح ولا ده غلط. طب افترض

أنا أموت يوم الفرحة، أموت على ذنب؟ أو افترض أنت

تموت، تموت على ذنب؟ ليه يعني عشان هي ليلة العمر؟

آدم: إنت إزاي بتكلميني كده؟ على فكرة، أنا برضه عايز

أخليك تقلعي النقاب يوم الفرحة.

عبير بصدمة: أنت بتقول إيه؟ اللي إنت بتتكلم فيه ده؟

مستحيل يحصل أصلًا.

آدم بغضب: قومي نمشي.

عبير: أختي قعدة مع خطيبها، مينفعش نسيبهم ونقوم، أو

نقومهم وهم فرحانيين.

جلس آدم وهو مشتعل غضبًا من عبير وأفكارها.

نظرت عبير إلى أختها، وجدتها منسجمة مع حمزة،
يتسامرون ويمزحون معًا. ابتسمت في حزن.

عفاف بابتسامة: عملتوا إيه بره؟

هدي بحماس: بجد كنت مبسوطة أوي أوي، تعالي أما
أحكياك.

عفاف: تعالي يا عبير معانا عشان تحكي لنا.

عبير: مش مبسوطة، مش مبسوطة يا ماما، وإنتِ عارفة ده.
عايز يعمل فرح وأغاني، وآدم عايزني أخلع النقاب، ويقول
لي دي ليلة العمر.

عفاف: أنا هخلي أبوكي يكلمه في الموضوع ده، متدايقيش
نفسك.

عبير: يا ماما، أفكارنا مش زي بعض، والله.

عفاف: ده عشان بس في الأول. تعالي يا هدي، احكي لي
بره.

ثم تركوا عبير تبكي بمرارة على حالها.

الحمد لله إن الإنسان مأجور على أحزان قلبه.

حمزة: يا بني، كل حاجة أنت مكلتش من إمبراح.

علاء بوهن: مليش نفس.

حمزة: طب عشان خاطري.

علاء: اتخطبت، أنا غلطان لأنني مسمعتش كلامك وكلام
ياسين.

ياسين: اتخطبت مش اتجوزت يا علاء، لسه في أمل، قادر
على كل شيء يا بني.

علاء: ونعم بالله.

حمزة: خذ يا ياسين، أكله أنت، أنا تعبت. أنا هاروح
أوضتي.

ياسين: ماشي.

ثم تركهم حمزة ورحل.

ياسين: علاء، ارجع كده لحياتك، أنت حافظت عليها عشان
بتحبها، واللي بيحب حد بيحافظ عليه، ومش بيكلموا في
الحرام. أنت عملت حاجة كويسة، ولو ليك نصيب فيها
هتخذها غصب عنها.

علاء: الحمد لله على كل حال.

ياسين: الحمد لله، كل بقي.

علاء: مليش نفس.

ياسين بمرح: ولا كل، يلا بدل ما أحط الأكل في بوقك
غصب عنك، أطفح يا أض.

علاء بابتسامة: هات يا عم.

عبد الله: خلاص يا آدم، مفيش حاجة اسمها نقاب يتقلع.

آدم: ماشي يا عمي، بس الفرحة هيبقى عادي مش زي
الخطوبة.

أحمد: ومالها الخطوبة، على فكرة كانت جميلة، كفاية البنات
صحابهم اللي غنوا، يعني فرح من غير ذنوب.

آدم بسخرية: أنت تفكيرك راجعي أوي.
 أحمد بحدة: الزم حدودك يا دكتور.
 آدم: طب ما تشوف طريقتك.
 عبير من الداخل: خلصني منه يا رب.
 هدى: يا رب ده واد سمج.
 آدم: لو سمحت يا عمي، أنا كلامي مع حضرتك.
 مصطفى: وإحنا أخواتها.
 عبد الله: خلاص يا دكتور، إحنا قبل ما نشترى راجل، إحنا
 بنرضي ربنا، يعني يا كده يا نفسكل.
 آدم: تمام يا عمي، اللي حضرتك عايزه.
 عبد الله: يبقى مفيش فرح، أو نفرح بس زي الخطوبة، لكن
 على أكبر فرح إسلامي.
 آدم: تمام، ممكن أخذها وننزل نتمشى شوية
 عبد الله: مفيش مشكلة، بس مصطفى هيروح معاكم.
 آدم بضيق: ليه، أنا خاطبها.
 عبد الله: بس مش جوزها، حرام شرعاً أنكم تبقوا لوحدكم،
 لازم محرم ما بينكم.
 آدم بتأفف: طيب.
 مصطفى: بابا، أنا مش هينفع أنزل، أنا ورايا كورس مهم
 أوي.
 عبد الله: وانت يا أحمد؟
 أحمد بإحراج: آسف يا بابا، أصل أنا ورايا شغل دلوقتي.

آدم: طيب ممكن نخرج أنا وهي، هو حضرتك مش واثق فيا؟

عبد الله: واثق، بس الحرام حرام. هو أنا لو مش واثق كنت أدبتك بنتي.

آدم: طيب لو ممكن، الأنسة أختها تيجي، مفيش مشكلة؟
عبد الله: تمام، هاقولهم يجهزوا.

جاسر وهو ينظر إلى الجريدة: مش ملاحظ إن علاء متغير؟
مروة: ملاحظة، بس معرفش ليه، وكل ما أسأل حمزة يقولي عادي، تلاقيه مشاكل شغل في الجامعة.

جاسر: مش مرتاح.

مروة: ولا أنا.

جاسر: ربنا يهديه ويفك كربيه ويناوله اللي في باله.

مروة: يا رب يا أخويا، يا رب.

علاء: أنا نازل يا جماعة، بعد إذنكم.

مروة: مش هاتتغدى معانا يا علاء؟

علاء: لأ يا ماما، بعد إذنكم.

فهل تُداوين قلبي باللقاء كرمًا؟

فما لقلبي دواءٌ غير لُقياكِ.

تجهزت عبير وهدى للخروج مع آدم. كانت عبير في غاية

الحزن لأنها لا تريد الخروج معه.

هدى بحزن: "معلش يا عبير، ربنا يفرجها عليكِ يا رب."

عبير بحزن: "يارب... خلصتي؟"

هدي: "آه."

عبير: "طيب يلا."

خرجت عبير لتجد آدم على وجهه علامة الضيق من أخيها.

عبير: "إحنا جهزنا."

آدم: "تمام، يلا."

خرجوا الاثنان مع آدم وهم يرتدون الحزن بسبب هذه الخطبة. كانت عبير تتمنى بداخلها أن تنتهي هذه الخطبة في أقرب وقت.

وصلوا إلى مطعم بجوار النيل.

هدي بطفولة: "أنا اللي هقعد جنب الشباك عشان أشوف البحر."

عبير بابتسامة: "هو ميكروباص."

آدم: "اتفضلوا، طيب، هاتكلوا إيه؟"

عبير بإحراج: "لأ، شكراً، مش عايزة."

آدم: "طيب، هاتشربوا إيه؟"

عبير: "عايزة قهوة."

آدم بدهشة: "إيه ده، أنت بتشربي قهوة؟"

عبير: "أيوه."

آدم: "وأنت يا هدي، هاتشربي إيه؟"

هدي: "أي حاجة عادي."

طلب آدم النادل ليقول له على طلباتهم.

آدم: "مش عايزة تتكلمي في حاجة؟"

عبير: "لا."

آدم: "أمم طيب."

نظرت له عبير ثم استدارت تجاه النيل تنظر له بحزن.

جاسر: "اعترف يا حمزة بدل ما أبوز لك الجوازة بتاعتك."

حمزة بخوف: "يا بابا، وأنا مال جوازيتي بعلاء؟"

مروة: "ما هو، اسمع يا بن جاسر، لو معترفتش على علاء،

مالو؟ هنسيبك متكثف في رجل السرير كده."

كان حمزة مربوط الأيدي والقدم معاً في السرير كأنه لم

يعمل واجبه بالمدرسة.

حمزة: "طب فكوني وهاقولكم."

جاسر: "إنت كداب يا ضابط، فكيتك وجريت، ولولا عمك

عبد الصمد البواب مكننتش لحقتك."

حمزة بنبرة بكاء: "والله تعبت، بقالي ساعة ونص متذنب زي

الأطفال."

مروة: "قول وانا هافكك."

حمزة: "طب هاقول بس سر، عشان علاء ميضر بنيش،

ماشى؟"

جاسر: "قول يا حبيبي، متخافش."

حمزة: "بصوا، الولد علاء أخويا بيحب البت عبير أخت هدي خطيبتي، وحصل بينا كذا اختلاط في المدرسة اللي كان بيشتغل فيها."

جاسر: "أمم، عشان كده."

مروة: "سهلة، البت شكلها مش مبسوفة."

جاسر: "إزاي؟"

مروة بشرح: "أصلاً هي يوم خطوبتها كانت ز علانة، شكلها مش موافقة. يبقى سيوها عليا، دي أنا هتصرف."

جاسر: "بدل ما تعكي الدنيا."

مروة: "هو أنا عبيطة؟ سييني بس أفكر."

حمزة: "طب فكوني بقي."

تنهد جاسر ثم نظر له وقال: "لأ، شكك عاجبني كده. يلا يا مروة ننزل."

حمزة: "هو إيه؟ تعالي يا أمي فكيني."

مروة: "فكيني تصدقك حلال فيك، اللي بيحصلك ده. خليك، يلا يا جاسر."

أحمد: "أنا مش مرتاح في جوازة عبير دي."

مصطفى: "ولا أنا."

عبدالله: "عادي يا جماعة، عشان بس مش متعود على أفراننا وكده."

عفاف: "صح يا أبو أحمد."
 مصطفى بضيق من أبيه: "أنا نازل."
 أحمد بضيق: "خدني معاك."

هدي: "يا عبير، تعالي اتصوري معايا هناك كده."
 عبير: "يا هدي، مش قادرة أقوم."
 آدم: "طيب، روعي أنتي اتصوري براحتك، وإحنا هنا."
 هدي: "طيب هاخذ كام صورة كده وارجعلكم."
 عبير بتنهيذة: "روحي."
 آدم بتوتر: "مش عايزة تتكلمي بردو؟"
 عبير: "مفيش حاجة أقولها، لو عايز تقول حاجة اتفضل."
 كانت يد عبير موضوعة على الطاولة أمامها، فجأة وجدت يد
 آدم توضع فوق يديها.
 عبير بفرع وهي تسحب يدها بقوة: "إيه اللي أنت بتعمله ده؟
 أنت مجنون!" ثم تركته ورحلت هي وهدى التي انتبهت على
 صوتها العالي.

عبدالله بعصبية: "تقومي تشتمي الراجل يا عبير وتقوليله أنت
 مجنون؟"

عبير ببكاء: "أيوه عشان هو غلط وأنا عايزة أفضل الجواز
 دي. مش مرتاحة يا ناس، مش شبهى."

عبدالله بعصبية: "هاتكملي ورجلك فوق رقبتك، وهتعتذري منه كمان، أما على غلظته فهو كمان هايعتذر. الكلام منتهي!"

ثم تركها ورحل وهي تبكي بحرقه على حالها.

مروة في الهاتف: "أيوه يا عبير، إزايك؟"

عبير: "الحمد لله يا طنط بخير، إنت إيه أخبارك؟"

مروة: "الحمد لله يا حبيبتى، إنت فاضية؟"

عبير: "أيوه يا طنط، إيش معنى؟"

مروة: "عايزاكي تقعدى معايا شوية في البيت، وأنا هكلم مامتك وأقولها."

عبير: "تمام يا طنط، سلام عليكم."

مروة: "وعليكم السلام ورحمة الله يا حبيبتى، سلام." كان علاء يلقي بجسده على الفراش ولا يتحدث لأحد.

حمزة: "يابنى، بقالي ساعة بكلمك."

علاء بجفاف: "مش عايز أتكلم، سيبني لوحدي بقى."

حمزة: "لأ، مش هاسيبك، هانقعد سوا نتكلم."

علاء: "اطلع بره يا حمزة!"

كاد حمزة يتحدث حتى وجد علاء يصرخ في وجهه قائلاً: "خلاص بقى، أنا زهقت منك ومن نفسي، أخرج وسيبني

أخرج!"

خرج حمزة وهو يحزن على حال أخيه.

مروة: "في إيه يا حمزة؟ أنا سامعة علاء بيزعق."
 حمزة بحزن: "معلش يا أمي، مش عايز يأكل ولا ينزل
 يخرج، في الآخر قام مزعق."
 مروة بحزن على ابنها: "معلش، متزعش منه يا حبيبي، هو
 ما يقصدش."

حمزة: "يا ماما، أنا مش زعلان منه، أنا زعلان عليه."
 مروة: "ربنا يهديه، أنا خلاص بعمل اللي ربنا يقدرني
 عليه."

حمزة باستغراب: "إيه هو؟"

قاطع حديثهم جرس الباب.

مروة: "أكيد هي."

فتحت مروة الباب لتجد عبير خلفه.

مروة: "إزايك يا عبير؟ عاملة إيه؟"

عبير: "الحمد لله بخير يا طنط، إنت إيه أخبارك؟"

مروة بابتسامة: "الحمد لله يا حبيبتي، تعالي اتفضلي."

دخلوا جميعاً إلى حجرة الصالون.

مروة: "تشربي إيه؟"

عبير: "ولا حاجة يا طنط."

مروة: "أ، إزاي؟ تعالي ندخل المطبخ نعمل حاجة نشربها."

دخلوا إلى المطبخ ولم تجد مروة كلمة لتفتح موضوعها.

مروة بارتباك: "عاملة إيه مع خطيبك؟"

اختفت الابتسامة من على وجه عبير وقالت: "الحمد لله."

اقتربت منها مروة وقالت: "مالك يا عبير؟"
 أدمعت عين عبير وقالت: "مفيش حاجة."
 مروة بتأثر: "إيه ده يا حبيبتى، أنت بتعيطي؟"
 فاضت عين عبير بالدموع وبدأت تعلق شهقاتها.
 مروة: "تعالى احكيلى مالك، اقعدى." ثم جذبت لها مقعداً
 وأجلستها.

عبدالله بحدة: "آدم، الزم حدودك مع بنتي، مينفعش اللي إنت
 عملته ده."

آدم ببرود: "عملت إيه؟ أنا ما عملتش حاجة."
 عبدالله: "مسكت إيديها."

آدم: "أنا ما عملتش كده، أنا راجل محترم، مش معني أني
 كنت رافض فكرة الفرحة، يبقى معرفش أن ده حرام."

عبدالله بحدة: "يعني هتكون بنتي بتكذب؟"
 آدم: "جايز، مش يمكن عايزة تفشل الجواز؟ وبعدين اختها
 كانت معاها، تشهد."

عبدالله وقد بدأ بالاعتناع من كلامه: "لما تيجي، نشوف إيه
 الكلام ده."

ابتسم آدم ابتسامة مكر ثم تصنع الضيق.

مروة: "ياااه، كل ده يحصل وأمك كده عادي."

عبير: "شوفتي يا طنط?"
 مروة: "إنتِ مش عايزاه، صح?"
 عبير: "نفسى أسيبه النهاردة قبل بكرة."
 مروة بابتسامة صغيرة: "بتحبي علاء?"
 عبير بارتباك: "إيه اللي بتقولي ده يا طنط?"
 مروة وهي تضمها: "وهو كمان بيحبك، وزعلان عشان إنتِ
 روحتي من أيديه. بس متقلقيش، والله هنفشل الجواز دي،
 بس استني عليا."

فلطفك، إني أتيتك قلبًا مضيعًا ويسألُ حبلَ النجاة.

استيقظت عبير من النوم لتتذكر أحداث الماضي، ثم بدأت
 عيناها تفيض بالدموع.
 هدي: خلاص يا عبير، بقيت مش عارفة إيه اللي حصل لبابا
 خلاه يعمل كده، وآدم كمان بني آدم مؤذي، ربنا على الظالم،
 حقك عليا يا عبير. كان لازم أشهد معاك.
 عبير بدموع: لا يا هدي، إنتِ صح، ماكنش ينفع تكذبي
 وتقولي شوفتِ. حتى لو إنتِ مصدقاني، أنا مش هدخل معاكِ
 القبر وإنتِ بتحاسبني. ربنا يجيب لي حقي منك يا آدم.
 هدي: معلش يا حبيبتي، تعالي عشان تفتري، يلا.
 عبير: لا، مليش نفس. سيبيني شويه.

هدي: ماشي يا حبييتي.
ثم تركتها ورحلت. ضمت عبير قدميها إلى صدرها وشبكت
يديها ببعضهما وهي تتذكر أحداث الأمس.

فلاش باك

عبد الله: كنت فين يا عبير؟
عبير: كنت عند طنط مروه.
عبد الله: طيب، آدم كان هنا وأنكر كل اللي قلتيه.
عبير بفزع: والله يا بابا، أنا قلت الحقيقة. هو اللي بيكذب.
عبد الله بحدة: أنتي عملتي كده علشان تفشلي الخطوبة،
صح؟

عبير ببكاء: والله يا بابا، أبدًا.
عبد الله بعصبية: مكنتش متوقع منك كده خالص. كنت
مفكر عاقلة وناضجة.
عبير ببكاء: ده بني آدم كذاب مش كويس، أنا مش عايزاه.
رفع عبد الله كف يده ليصتدم بوجه عبير.
عبد الله بعصبية: امشي من قدامي يا عبير، وهتجوزيه
غصب عنك.

فلاش باك

عبير بدموع: يارب.
ثم نهضت لتؤدي صلاة الضحى.

مروه في الهاتف: إيه أخبارك يا أم أحمد، عاملة إيه؟

عفاف: الحمد لله يا أم علاء، إنتِ إيه أخبارك؟

مروه: الحمد لله يا حبيبتي.

عفاف: جايه النهاردة أكيد صح؟

مروه: أكيد طبعًا يا حبيبتي.

عفاف: تيجوا بخير يا رب يا حبيبتي.

مروه: إن شاء الله تسلمي.

عفاف: طب يا حبيبتي، عايزة حاجة؟

مروه وهي تظهر الارتباك: أه، لا.

عفاف باستغراب: يوه، مالك في إيه؟

مروه: أصل عايزة أقولك على حاجة كده بس خلاص لما نيجي بقي.

عفاف: طب يا أختي على راحتك.

اجتمع الجميع في المساء ما عدا اثنين، عبير وعلاء.

عفاف: كنتِ عايزة تقولي إيه يا أم علاء؟

مروه: بصي يا أختي، أنا بحب عبير بنتك زي ما تكون بنتي بالظبط.

عفاف: ادخلي في الموضوع وارتييني، والله مالها عبير؟

مروه: أصل أنا شفت خطيبها إمبراح أنا وحمزة ابني، كان مركب شوية بنات مش مظبوطين كده، حتى اسألي حمزة هو قاعد هو والحج بيكلموا أبو أحمد بره.

عبير بابتسامة جانبية: إيه اللي بتقوله ده يا طنط؟

مروه بتمثيل: زي ما بقولك كده يا بنتي، اسألي حتى حمزة ابني.
 عفاف بعصبية: أنا هخرج أشوف الحج بره وأقول له.
 ثم خرجت وانفجر الجميع ضحكًا.
 عبير بضحك: والله ما كنت أعرف إنك كده، والله.
 هدي بضحك: حماتشي ههههه.
 عبير: بس مش كده، حرام، دا افتراء.
 مروه بجدية: كما تدين تدان. خليه يجرب إحساس الظلم اللي إنتِ حسيتيه.
 هدي: ربنا يخليك ليا يا رب.
 مروه: ويخليك ليا يا رب.

مصطفى: وبعدين يا بابا، هنعمل إيه؟
 عبد الله: مش مصدق بقي آدم يعمل كده، بس إيه مصلحة حمزة إنه يكذب علينا؟
 أحمد: مش كذاب لأنه ملوش مصلحة يعمل كده.
 عبد الله: بكره أجيبه ونتكلم.
 مصطفى: تاني يا بابا؟ تاني؟ مش كفاية إنك ضربت عبير بسببه؟
 عبد الله: ربنا يسهل يا مصطفى. بكره لو ما ارتحتش هافشكل.

أحمد: طب وراحة عبير فين؟

عبد الله: وهي عبير مش مرتاحة ليه؟ مش فاهم.

أحمد: لأنه مش شبه عبير. عبير عايزة حد يعينها على طاعة ربنا. ده قليل لما بيصلي.

عبد الله: ربنا يفرجها بكره. أنا هسأل عبير، وإن كان كده كل شيء نصيب.

عبير من الداخل: فشكل يا بابا، مش مرتاحة والله.

عبد الله: إنتِ سامعانا؟

عبير: آه.

عبد الله: طيب، ربنا يعوض علينا.

مروة: ها يا علاء عامل إيه؟

علاء بوهن: الحمد لله.

مروة: طب عندي ليك خبر.

علاء: مش عايز أسمع أخبار حد.

مروة بابتسامة: حتى لو كان هايفرحك؟

علاء: مش عايز أسمع يا أمي والله.

مروة بخبث: أمم طيب، بس كنت هقولك إن عبير فشلت

خطوبتها، بس شكلك مش حابب تتكلم. خلاص، خلاص.

ثم كادت تمشي حتى وجدت علاء يقفز فوقها.

علاء بلهفة: بتقولي إيه؟ قولي، أقسم بالله.

مروة ضاحكة: أو مال مكنتش عايز تسمع.

علاء بلهفة: طب بس قولي بس فشلت إزاي؟
مروة: تدفع كام؟

علاء: يلا يا أمي بالله، كملني، قولي قولي فشلت إزاي؟
مروة: بص يا سيدي.
عبير بفرح: الحمد لله.
هدى: ألف مرة والله.

عفاف: مالك يا أختي إنتي وهي؟
عبير: الحمد لله يا أمي، خلصت منه على خير.
عفاف: طيب يا أختي، عمك جاسر وخالتك مروة جاين
النهاردة يحددوا كتب الكتاب بتاع هدى.
هدى بخجل: والله.

عبير بفرح: ألف مبروك يا دودو، ربنا يكملها على خير يا
قلبي.

أحمد: السلام عليكم، إيه جو أحضان المطارات ده؟ في إيه؟
عبير: أصل عمك جاسر كلم بابا إنهم هايحددوا كتب كتاب
هدى.

أحمد بخبث: طب ما أنا عارف بس عندي الجديد بقي.
عفاف: يواد اسكت يواد.

هدى: مالكم في إيه؟

أحمد: مفيش، أصل راح قرد، جيه غزال.

عبير: مش فاهمة.

مصطفى من الخارج: ما هي البعيدة جاموسة.

عبير بصوت عالي: اتم يلا بدل ما أجيلك.

أحمد ضاحكًا: طيب يا أختي خليك غبية كده، وبالليل
اعرفي لوحدك، باي.

عبير: مالهم دول؟

آدم بعصبية: بقى أنا تسيبني، وعشان مين؟ عشان الإرهابي
ده؟ والله لأوريكي يا بنت ال... ماشي.

صديقة: اهدي يا بني شوية، مش حنة بتعمل فيك كده.

آدم: بحبها.

صديقة: آدم، أنت مش بتحبها، أنت شايف فيها أمك اللي
ماتت.

آدم: لأ، الموضوع مش كده.

صديقة: لا يا آدم، الموضوع كده وكده أوي كمان، وعلى
فكرة لو اتجوزتك هتعيش معاك في مرار، لأنك هتعمل
معاها اللي أبوك عمله في أمك، واللي أمك عملته في أبوك.

آدم: عمري ما هنسي اللي أبويا وأمي عملوه في بعض.

صديقة وهو يربت على كتفه: معش يا آدم، انسى واتعايش
مع الواقع وابدأ من جديد. البنت إيه ذنبها؟

آدم بحدة: ذنبها إنها شبه أمي في تصرفاتها.

صديقة: مش كل بنت محترمة شبه أمك تبقى عايز تتجوزها
وتعمل اللي أبوك عمله، وبعدين ما تنسيش بقي يعني كان إيه
اللي حصل عشان ده كله، وانت ذنبك إيه؟

آدم بدموع: ذنبي إني ابنهم، إنما بقي عملوا إيه؟ عملوا كثير أوي، كانت ست، ولا كل الستات واحدة. محترمة، منتقبة، تعرف ربنا، كانت بتستحمل ضرب من أبويا وبهدلة، ولما خلعتو واتجوزت واحد علمها إزاي تدافع عن نفسها، بقت كل ما تشوف أبويا تتخانق معاه، وهو يتخانق معاها ويضربها في الشارع ويخوفها في بيتها الجديد، لحد ما في يوم جه الراجل اللي اتجوزتها ده شجعها على قتله عشان ترتاح. كانت مترددة بس عشان هي شخصيتها ضعيفة، عرف يخليها تسمع كلامه، لحد ما جه يوم، كنت قاعد مع أبويا كان عندي عشر سنين، لقيتها بتخبط على الباب. فتحتلها، وجريت عليها، لقيتها بتبعدي عنها وبتجري على أبويا تتخانق معاه. فضّلوا يضربوا في بعض لحد ما طلعت سكينة وقتلته. من بعدها دخلت في صدمة، وهي دخلت السجن وماتت فيه.

صديقة: معلىش يا آدم، لازم تنسى وتروح لدكتور نفسي، وكمان تنسى اللي اسمها عبير دي، حرام عليك تظلمها.

آدم: ربنا يسهلها ويسهلي. أنا هبدأ أدور على دكتور نفسي.

صديقة: جدع، وأنا معاك من البداية.

آدم: ربنا يخليك ليا يا رب، لولاك كان زمانى مدمر نفسي من زمان.

صديقة: عيب يا ضي، إحنا إخوات.

حمزة: أنا جاهز.

سلمي: السلام عليكم.. مين معايا؟

الجهة الأخرى: أنا اللي تعبتيني سنين.

سلمي: إنت هتستظرف؟

الجهة الأخرى: لأ والله، إنتي فعلاً تعبتيني سنين. بصي، مش

هتكلم كثير معاكي عشان مبيقاش حرام عليا، إنتي مش

محرمة ليّا، بس أحب أقولك إني اتغيرت عشان استحقك.

انتظريني قريب، استودعتك الله، السلام عليكى.

سلمي: استني ب...

لم تكمل كلامها حتى وجدت الهاتف يغلق في وجهها.

هدى: إيه يا سلمى متسمره ليه كده؟ مين اللي كان على

التليفون؟

سلمي: هه، لأ مفيش، دا رقم غريب. تعالي نشوف عبير يلا.

أحمد: هدى عايزك ثواني.

هدى: طب بعد إذناك يا سلمى.

سلمي: تمام.

هدى: إيه يا أحمد، في إيه؟

أحمد: هي ياسمين صاحبتك مجتش ليه؟

هدى بخبث: وانت مالك بيها يا ننوس؟

أحمد: اتلمي يا بت، أنا بس كنت عايز أخذ رقم ولي أمرها.

هدى بغباء: ليه؟

أحمد بسخرية: أصل عملت مشاكل في الكلاس، فعايز

أشككي لولي أمرها.

هدى: مبهررش، يلا.
 أحمد: أمال هكون عايز رقم أبوها ليه يا غبية؟
 مصطفى: وأنا كمان يا هدى.
 هدى: عايز رقم ولي أمرها؟
 مصطفى: لأ، دا إنتي غبية بجد.
 أحمد: أوي.
 هدى: يعني انت بجد عايز رقم أبو فاطمة؟
 مصطفى: وأنت إيش عرفك إنها فاطمة؟
 هدى بخبت: باين عليك يا فالج.
 مصطفى: أمم، وأختي حبيبتني، هاتعرف تتصرف ولا إيه؟
 هدى: عيب عليك، بس ممكن ما توافقش عشان...
 مصطفى: ششششششش، قولي يارب واسكتي.
 هدى: إنت وقعت ولا الهوى رماك؟
 مصطفى: لأ، الهوى رمانى، غوري بقى.

عفاف: عبير، اخرجي بالصينية دي. عبير: خلي هدى تخرج
 أولاً، وأنا بعدها. عفاف: لا، يلا، إنت الأولى. عبير
 باستغراب: مش فاهمة في إيه، بس ماشي، أما نشوف
 آخرتها.

خرجت عبير بالصينية ليكرر نفس المشهد مرة أخرى، ولكن
 مع ثنائي آخر: عبير وعلاء.

كانت عبير ترتدي فستاناً أسود ونقاباً أبيض، بينما كان علاء يرتدي قميصاً أبيض وبنطالاً أسود.

عبير: "آه، أسود، أحسن. السلام عليكم."
رد الجميع التحية.

علاء: "بسم الله الرحمن الرحيم، سأبدأ الكلام بعد إذنك يا حج."

جاسر: "تفضل يا بني."

علاء بابتسامة: "بعد إذنك يا حج عبدالله، أنا طالب يد الأنسة عبير على سنة الله ورسوله."

عبدالله: "والله يا بني، أنت شاب محترم وابن ناس طيبة، ولكن الرأي في الأول والآخر لعبير. إيه رأيك يا عبير؟"

انتفضت عبير عند سؤال والدها، ودخلت مسرعة إلى غرفتها.

عفاف ضاحكة: "مالك يا أختي؟"

عبير: "يعني أنتي كنت عارفة؟"

مروة ضاحكة: "أمال يا أختي، إحنا رتبنا وجهزنا، وإنْتِ نفذتي. اتفضلي اخرجي بقى، وقلعي النقاب عشان الرؤية."

أحمد: "يلا يا عبير، عشان هاتكلموا شوية كمان."

عبير بنظرة تشبه البكاء: "كمان هاقعد معاه؟ طب الله يسترك ويرزقك ويعملك اللي أنت عايزه، مش عايزة... قعدني هنا."

أحمد: "يلا يا عبير تعالي."

سلمي: "اخرجي يا عبير، وأنا هاروح عشان ما أتأخرش."
 عبير: "مالك يا سلمي؟"
 سلمي: "مفيش حاجة، اخرجي بس، وهنكلم سوا بالليل.
 السلام عليكم."

ثم ذهبت تحت نظراتهم المتعجبة، ما بها صديقتهم؟

في الخارج:

جاسر: "طيب، تعالوا ونسيبهم شوية يتكلموا."
 علاء: "طيب، المفروض تقلعي النقاب."
 عبير بصوت مبحوح: "حاضر."
 علاء بابتسامة واسعة: "بسم الله تبارك الرحمن."

اخفضت عبير وجهها الذي يعلوه الحُمره من الخجل.
 علاء: "طيب، تحبي نتكلم عني ولا عنك الأول؟"
 عبير: "أي حاجة عادي."
 علاء: "طيب بصي يا ستي."

أم سلمي: "سلمي حبيبتي، تعالي."
 سلمي باستغراب: "مالك يا ماما؟"
 أم سلمي: "تعالي، العريس جوه."
 سلمي بتفاجؤ: "عريس مين؟"

أم سلمى: "تعالى، قاعد مع أبوكى جوه."

دخلت سلمى لتتفاجأ به.

سلمى: "هو إنت؟"

"مش قولتلك انتظرينى؟"

سلمى بذهول: "إزاي كده؟ اتغيرت ازاي؟"

"يهدي من يشاء."

سلمى: "واللحىة وطريقتك و..."

"أهدى، طيب."

أبو سلمى: "طيب، الأستاذ رامى جاي طالب إيدك يا سلمى.

هسيبكم تتكلموا شوية."

رامى: "طب، اقعدى طيب."

سلمى: "أولاً، إنت جبت رقمى منين؟ ثانياً، بتتقدم ليه؟ ثالثاً،

اتغيرت 180 درجة كده إزاي؟"

رامى: "بصى، أولاً جبت رقمك من بياناتك فى المدرسة،

وبعدين سألت على والدك وجبت رقمه. ثانياً، بتقدمك ليه؟

لأنى معجب بيكى، بس مش بحبك دلوقتى، أنا هاخلى الحب

بعد الجواز، عشان لو جه قبل الجواز مش هلاقي حاجة

أعملها بعد كده. وتقدمتلك عشان عايز أتجوز بنت ملتزمة،

تاخذ بإيدي للجنة. هو المفروض العكس، بس الحمد لله

الواحد بيعدل من نفسه عشان ربنا ونفسه. وأنا عملت كده

عشان ربنا ونفسى، وعشان عايزك فى الحلال. ثالثاً، زي ما

قلتلك، اتغيرت إزاي؟ فزي ما قولتلك، يهدي من يشاء، سمعت شيخ بيقول إن اللي بيعمل ذنب النهاردة وعاش بكرة، يبقى ربنا مديله وقت يصلح تاني. وإن اللي بيعمله في بنات الناس هيترد في بنتي، وأنا بحب بنتي من دلوقتي، ومش عايز أي حاجة تأذيها. والإنسان الكويس، كويس بصلاته وقرآنه. فبتغير واحدة واحدة... ساكتة ليه؟"
 سلمى: "مش عارفة، مش عارفة أقولك إيه."
 رامي: "قولي: لا إله إلا الله، وانسي الماضي بتاعي، وسامحيني على أي إساءة حصلت مني ليكي، دا ربنا غفور رحيم. وصلي استخارة، وردني بقى براحتك، بس بسرعة عشان عايزك في الحلال، زي ما قولتلك. يلا، السلام عليكم."

ثم تركها شاردة فيما حدث، ورحل.

جاسر: "طيب، شكلكم متفقين، والحمد لله. نقرأ الفاتحة، وبعد أسبوعين كتب الكتاب بتاعكم وبتاع حمزة، والفرح بعده بيومين. ومش هنعمل أفراح، هنعمل زي يوم الخطوبة كده بتاعت حمزة، وبعدين كل واحد ياخذ مراته ويطير بيها يعمل عمرة."
 عبدالله: "مش بسرعة كده."
 جاسر: "ولا بسرعة ولا حاجة، الاتنين بناتي."

عبدالله: "على خيرة الله، نقرأ الفاتحة."

هدى: "امسك يا خويا، إنت وهو يكش يطمر."
 أحمد بلهفة: "جيبتي الأرقام؟"
 هدى: "آه، شوفوا بقي هاتكلموا إمتى إنت وهو."
 مصطفى: "إن شاء الله قريب قوي."
 أحمد: "بإذن الله، بعد كتب كتابك إنتِ وعبير."
 هدى بابتسامة: "أشطاء... مصطفى، قولتلك إن شكلك حلو قوي في اللحية دي."
 مصطفى بفرحة: "بجد؟"
 أحمد: "أوي."
 مصطفى: "ادعوا لي، ربنا يهديني أكثر وأكثر."
 أحمد وهدى: "يا رب."

مرت الأيام كالهواء حتى جاء يوم كتب الكتاب. كان الجميع في حالة من الهرج. عفاف ومروة كانتا تحضران الطعام والشراب، والفتيات يتجهن للكتابة، أما الشباب فكانوا يهتمون بعلاء وحمزة ورامي.
 (أه، ما أنا نسيت أقولكم أن كتب كتاب رامي وسلمى مع عبير وهدى)

F.b

والد سلمى: ها يا سلمى، إيه رأيك؟
 سلمى: مش عارفة، هاصلي وأقولكم.
 — مش انتي صليتي بعد ما مشي؟
 سلمى: آه.

— طيب، وحاسة بإيه؟

سلمى بارتباك: حاسة إني يعني...

— مرتاحة صح؟

سلمى بخجل: بصراحة يعني آه.

— أنا كمان مرتاح، ما هو أنا كمان صليت استخارة.

سلمى بخجل: طيب يا بابا، اللي تشوفه.

أبوها: طيب، خير البر عاجله، إحنا نكتب الكتاب عشان إحنا
 ما عندناش خطاب يدخلوا ويخرجوا كده، دول مش محارمك
 ولا إيه؟

سلمى: صح يا بابا.

— خلاص هاتصل عليه وأقول له.

سلمى: ماشي، بس عندي طلب.

— قللي.

سلمى: عايزة كتب كتابي يبقى مع عبير صحبتي وهدى
 أختها.

— خلاص هاقول له بردو، وإن كان كده هاكلم الحج عبدالله
دا صاحبي من أيام الجيش.

F.b

عبير: مبسوطه قوي إننا مع بعض.

سلمى: وأنا كمان فرحانة أوي.

هدى: خدي الكبيرة بقي.

سلمى: إيه؟

هدى: أصل ياسمين وفاطمة كتب كتابهم هيبقى بعد بكره،

وبعد يومين هنطير كلنا نعمل عمرة مع بعض.

سلمى بتفاجئ: يولاد اللذينا ومقولتوش ليه؟

فاطمة: أصل أنا كنت بغلب مصطفى شوية عشان أوافق،
وكذلك ياسمين، يعني طلعتنا عندهم اليومين اللي فاتوا دول.

ياسمين: دي حقيقة وبس، وأخيرًا وافقنا وقلنا نكسب فيهم
ثواب.

عبير: مالك يا أختي، إنتي وهي؟ أنا أخواتي مفيش منهم
وخصوصًا أحمد.

ياسمين: آه، ومين يشهد للعروسة؟

قدوا جميعًا وقتًا من المرح حتى كتبوا الكتاب.

حمزة: بت يا هدي، بحبك يا بت.

هدي: إن شاء الله تسلم.
 حمزة: بت يا هدي، بحبك والله، والله.
 هدي: إن شاء الله يخليك أمك.
 حمزة بقرف: ما تقومي تكرمشي لي خمسه جنيه في إيدي
 أحسن، بقالي ساعة بقولك بحبك.
 هدي بخجل: طب عايز إيه طيب؟
 حمزة بمرح: أي حاجة، طب بحبك، وحشتني، إنت روعي،
 خد حته من الجاتو بتاعتي، أي حاجة، طب.
 علاء: الحمد لله، كنت خايف متبقاش مراتي.
 عبير: أقولك سر؟
 علاء: طبعًا، أنا خلاص بقيت جوزك يعني بير أسرارك.
 عبير: كنت بدعي بيك في صلاتي.
 علاء بتصفيق: يا صلاة النبي.
 رامي: مبارك عليا إنتي ومبارك عليك علي أنا.
 سلمى بخجل: بارك الله فيك.
 رامي: بقولك إيه؟
 سلمى: قول.
 رامي: هو ينفع أخذك البيت وبعدين نطلع العمرة؟
 سلمى برفض قاطع: لاء، مينفعش، مينفعش.
 رامي وهو يفرك لحيته: أمم، مينفعش. طيب يا سلمى، كلها
 يومين مش حوار، ماشي؟ طب فكري، طب.
 سلمى: شش، كل جاتو.

رامي: مش عايز.

سلمى: طب هات حتة الشوكولاتاية دي، عيني فيها.

أحمد: عقبالنا.

ياسمين: كلها يوم.

أحمد: مش كنا كتبنا الكتاب معاهم؟

ياسمين: معلش بقي عشان أبقي كابل مع فاطمة.

أحمد: ميجرّاش حاجة.

مصطفى: إمتى بقي، إمتى؟

فاطمة: أما ربك يأذن يا بني.

مصطفى: طب يا بنتي

مر يومين، ولكن لم يكن مثل أي يوم، فكل زوج مع زوجته:

حمزة وهدى، علاء وعبير، أحمد وياسمين، رامي وسلمى،

مصطفى وفاطمة.

كانوا يتجهزون جميعاً لموعد السفر. كان كل منهم يمسك بيد

زوجته ويسير بها في صالة الطيران، وكل واحد منهم يهدي

زوجته بكلام.

حمزة: مش عارف أقول إيه والله على النعم اللي فيها دي

معايا حبيبتني، ورايح أعتمر بيها، الحمد لله حمداً كثيراً طيباً

مباركاً فيه.

علاء: دائماً كنت بشوف جملة "ماذا لو تزوجت بها، ورزقكم

الله عمرة"، كنت بشوفها أدمع والله من فرط جمالها، دلوقتي

مش عارف أشكر ربنا على إيه ولا إيه، إنه رزقني بيكي ولا رزقني بعمره معاك.

رامي: بصي مش عيب إني أغلط، بس عيب إني أشوفه وأسكت. لازم أصلح من نفسي، ربنا رزقني بيوم بعد معصيتي لي عشان أتوب، يبقى مضيعش الفرصة وأستغل اليوم لصالح لعلي أنام وما قومش تاني.

أحمد: مش هاقولك إني مبغلطش ومش مآثر، لاء مآثر وبغلط، بس وإحنا مع بعض، هانحاول نصلح اللي ناقص فينا إن شاء الله، وربنا يديني العمر عشان أعوضك عن أي حاجة وحشة حصلت لك في يوم وأنا مش معاك.

مصطفى: حبيبتني ورفيقة دربي وشريكة حياتي، معاً لنصلح أي شيء يفسده الآخرون، ونصلح ما نفسده نحن. عايزين الزعل اللي بينا يا بطوطي يبقى بسبب إني مثلاً نسيت فرض أو إنتي مقومتيش الليل. غير كده، لاء، اتفقنا؟

(نرحب بسيادتكم، أرجو منكم الجلوس في أماكنكم حتى نتوجه إلى الطائرة)

حمزة: تعالوا نقعد هنا.

جلست هدي بجوار حمزة، وهي تستند برأسها على كتفه. نظرت أمامها، فوجدت امرأة هي تعرفها جيداً. لكن يا الله، يا الله، ما بها مريم؟ لما شكلها هكذا وبطنها أمامها. هل هي تزوجت؟ أما... ماذا؟

نظرت مرة أخرى لتجد محمد، ذاك الرجل الذي أخطأت في حقها وحق ربها. وتحدثت معه. يوكزها في ذراعها ويوبخها بالكلام.

يا الله... الحمد لله الذي عافانا مما ابتلى به غيرنا. الحمد لله، الحمد لله، "وعسى أن تكرهوا شيئاً وهو خير لكم، وعسى أن تحبوا شيئاً وهو شر لكم."

الحمد لله. أنا لو كنت تزوجته كان حصل معايا كده. يا الله. ثم نظرت بجانبها إلى زوجها فتلاقت نظراتهم وهو يبتسم لها.

حمزة: إيه الجمال ده؟

هدي في صمت وبكاء.

حمزة: مالك يا قطتي؟

هدي بدموع: لا يا حبيبي، أنا بس فرحانة.

حمزة: طب هو اللي فرحان ده بيعيط؟ اشكري ربنا ومتعيطيش. يلا بقي عشان خلاص هنطلع الطيارة. هدي: الحمد لله.

حمزة: ها يا هدي، هانت. اهي، هانت. يلا اتنfyسي وانفخي، اتنfyسي وانفخي.

هدي: مش قادرة، هاالامووت.

مصطفى: ماتولدي في صمت يا فاطمة. إنتي مش مبطللة

ضرب ليه؟ ما تخرسي يا هدي بقي، إنتي بتشجيعيها ولا

بتولدي معاها؟

حمزة: متز عش لمراتي ياالض.
 هدي بصريخ: انتو بتعملوا إيه؟ ولديني يا ست، اخلصي،
 هاالمووت يا ربيبيبي.
 ياسمين ببكاء: أحمد، أنا مش عايزة أولد.
 أحمد: حاضر، هابقى أولد مكانك، متعيطيش.
 عبير: بطلي عياط يا ياسمين، انتي لسه قدامك شهرين على
 الولادة. عندك، أنا مثلاً جيببت أحمد ومصطفى وقومت
 غسلت الغسيل.
 علاء بضحك: آه وأنا أشهد بكده، كنت تسكتي، مصطفى
 أحمد يعيط، اسكت، أحمد تعيطي إنتي.
 عفاف: الحمد لله، فاطمة جابت بنوتة قمر شبهها.
 مروة: الحمد لله يا رب.
 أحمد: طب وهدى؟
 جاسر: الحمد لله، اللهم لك الحمد والشكر، حمزة جاب بنتين.
 سلمى: الحمد لله، مبروك.
 عبدالله: عقبالك يا بنتي.
 رامى: الحمد لله، اكتفيننا بمؤمن.
 أحمد: يا عم، راجع نفسك بس.
 رامى: لا يا حج أحمد، كده فل أوي.
 حمزة: حمد لله على سلامتك يا حبيبتى.
 هدي: الله يسلمك يا حبيبي، هاتسميهم إيه؟

حمزة: هدي ومسك.
 هدي: ويبقى عندك اتنين هدي.
 حمزة: لاء، تفرق في هدي الكبيرة، المكافأة اللي بعد التعب،
 والتانية هدية من ربنا، الحمد لله.
 هدي: الحمد لله.

النهاية

وهكذا، بعدما اجتاز البطل رحلته الطويلة بين الشك واليقين،
 بين السقوط والقيام، أدرك أن النور كان دائماً قريباً، لكنه لم
 يبصره إلا عندما انكسرت كل أسباب القوة في يده، فوجد
 الله.

عاد إلى سجادة صلاته، وقد امتلأ قلبه يقيناً بأن رحمة الله
 أوسع من كل الذنوب، وأن التوبة باب لا يُغلق، وأن من
 يسير إلى الله خطوة، يركض إليه الله فرحاً.

أغمض عينيه بخشوع، وهو يردد آية طالما سمعها دون أن يتدبرها:

"ومن يتوكل على الله فهو حسبه إن الله بالغ أمره قد جعل الله لكل شيء قدرا."

وفي ذلك السكون، شعر بروحه تحلق في سماء الطمانينة، فقد انتهت رحلته مع الضياع، وبدأت رحلته الحقيقية مع الله.

ما وراء التوبة

شهد عبدالقادر

أوقات كثيرة رينا بيعتلك رائل
رالة تطمنك و تطبطب عليك
رالة تلفت إبتباهك لشع ما
رالة تقولك أرجع لربك
رالة تقولك بلاش تظلم نفسك
رالة تلية تقولك ليه ظالمة غيرك.
رالة تقولك الظلم ليه
رالة تقولك بلاش معاص
رالة تقولك فوق بقى إمتة التوبة
رالة تقولك رنا بيحبك وواقف جنبك
رالة تقولك أشتي على الحق وما تخفيش
رائل_ رانية كثيرة أو بس الأهم: نفهم رائل رنا لينا ونفذها صح
توكل على الله وأعلمه أن أمرك كله رنا بيبره

Facebook: Shahd abdelkader

TikTok: Shahd abdelkader

Instagram: Shahd abdelkader

Snap chat: Shahd abdelkader

دار ياقوت
للنشر والتوزيع
فالمكة

01555191983